

九十九
 十八七
 八十六
 五

廿八

三十八

13
 1906
 38



13
1906
38

和漢二才圖會卷第九十五目錄

毒草類

木藜蘆	菟麻子	續隨子	大戟	防葵	大黃
萬年青	常山	葭蓉	澤漆	狼牙	高陸
附子	藜蘆	雲實	甘遂	藺如	狼毒

和漢二才圖會

毒草類 卷九十五

目錄一

昭和八年二月廿五日
原川三子
贈

草烏頭

歡喜草

半夏

射干

玉簪

曼陀羅花

平戸躑躅

映山紅

小射干

白附子

芍藥

蚕休

烏扇

小玉簪

羊躑躅

永來部躑躅

芫花

其躑躅

天南星

菩薩草

鬼臼

鳶尾

鳳仙花

稿躑躅

山躑躅

堇花

岩躑躅

醉魚草

石龍芮

葶麻

鉤吻

リネウ

莽草

毛茛

海芋

茵芋

牛扁

透山根

風建草


金英草

本草三ノ巻

三五五

目録二

和漢三才圖會 卷第九十五 毒草類



和漢三才圖會卷第九十五

毒草類

攝陽 城醫法橋寺島良安 尚順編



大黃

唐音

黃良 將軍
層如 火參

和名於保之

本綱大黃蜀川河東陝西皆有之而蜀川錦文者佳二月
卷生黃赤其葉子莖並作半蹄莖高三尺許脆其葉四四
相當粗長而厚三月花黃五月實黑八月采根其根有黃
汁大者如益長二尺切片陰乾然性濕潤而易蛀壞火乾
乃佳作時燒石使熱橫寸截著石上燂之一日微燥以繩

和漢三才圖會

毒草類

卷第九十五

一

穿眼乾

一種出於秦隴者名土番大黃正月內生青葉但莖麻大者如扇根如芋大者如盤長一二尺其細根如牛蒡小者亦如芋四月開黃花亦有青紅但莖麥花者莖青紫色形如竹根去黑皮切作橫片火乾但蜀大黃乃作鱗片此乃作鱗片二物功用等一種有羊蹄大黃雖似大黃實非羊蹄根之老者也大黃味苦寒氣沉而降陰也頂峻下者生用若邪氣在上非酒不至必用酒浸驅熱而下若用生者則遺至高之邪熱也下瘀血破癥瘕積聚蕩滌腸胃推陳致新如數定禍亂以致太平所以有將軍之號血分之藥也凡病在氣分及胃寒血虛并姙娠產後勿輕用黃芩為之使無所畏惡乾

△按大黃豎或橫殺片者名殺大黃通穴繩繫者名繫大黃雖謂如錦文者佳今藥肆錦文者無之蓋歷月日故錦文消失乎今多出倭大黃皆羊蹄根及酸橫根大者

也凡通利之劑可用唐大黃傳疥癬諸瘡宜用倭大黃



商陸

俗云山牛蒡方

遠葛 當陸

章柳 白昌

馬尾 夜呼

和名伊保須木

本綱商陸生園圃中春生苗高二四尺青葉大如牛舌而厚長脆莖青赤至柔脆夏秋開花作朶根如蘿蔔而長八九月采根日乾花赤者根赤花白者根亦白其白者入藥赤與黃色者有毒不可食昔人種之為蔬根苗莖並可洗蒸食或用灰汁煮過亦良其形類人者入藥根有酸毒陽中之陰能療水腫切生根雜鯉魚煮作湯服赤根者搗爛入麝香二分貼於臍心以帛束之得小便即腫消

△按商陸處處有之葉如煙草嫩葉其花房如旋覆花而大其根如牛蒡因俗稱山牛蒡出於藝州及攝州者良

或云水腫者食之無功，補瀉利蓋疑不撰赤白用赤者被中毒矣，但粘臍藥用亦可也。



狼毒

スントツ

本綱狼毒葉似商陸及大黃，莖葉上有毛，根皮黃，肉白，以實重者為良。陳而沉水者良，輕者力劣矣。此六陳之一也。
六陳者麻黃、橘皮、半夏、防葵及草蘭、茹能似狼毒，誤混用。根毒亦實，吳茱萸是也。

最宜詳審。
根辛平，有毒。治九種心痛，一蟲二性三風四悸五食六飲七冷八熱九氣。又治連年積冷流注，心胸及落馬墮車瘀血中惡等證。名九痛丸。狼毒炙香吳茱萸湯泡，巴豆去心乾薑炮人參各一兩附子去皮各為末煉蜜丸，梧子取霜。

大每空服溫酒下一丸



防葵

ハンクイ

ヤハコシロ

房苑

梨蓋

利茹

和名夜未奈須比

本綱防葵莖葉似葵，每莖三葉，一木十數莖中發一幹，其端開花如葵花，景天輩而色白。六月開花，即結實，根似防風，香味亦如之。今乃用枯朽狼毒當之，緣真相似也，勿誤用狼毒。
根辛寒無毒。治疝痕腸洩膀胱熱結溺不下，效逆癩癩驚邪。



狼牙

牙子 狼齒
犬牙 抱牙
支蘭

シヤア、

和名古末豆木

本綱狼牙苗似蛇莓而厚大深綠色根黑若獸之牙齒七月華八月實黑色其根二八月采暴乾若中濕腐爛生衣者殺人色白者善

根有苦寒 治邪氣熱氣疥癬惡瘡

△按狼牙山野處處有之高一二十尺莖枝葉花並似萩而小七月開花作莢如小豆莢中子黑色其根甚強故葛人可繫牛馬俗呼名駒繫

本草 此草花如芍藥之類其子如豆其根如葛



蔞如

白者名草蔞如

和名祿阿佐美 又云仁比萬草

絲のさみ

離婁 掘据

リエイニイ

本綱蔞如春初生苗高二三尺莖葉如大戟而葉長微闊不甚尖折之有白汁抱莖有短葉相對團而出尖葉中出莖莖中分二三小枝二三月開細紫花結實如豆大一顆三粒相合生青熟黑中有白仁如續隨子之狀其根長大如蘿蔔蔓菁狀或有岐出者皮黃赤肉白色破之有黃漿汁初斷時汁出凝黑如漆往往用其根充狼毒誤也根無漿汁以

根為異 小毒 辛寒 有

治惡肉敗瘡又治甲疽生干脚趾蔞如二兩黃芪二兩苦酒一兩以猪脂五合合煎取膏三合日三塗之即消又能治馬疥

△按蘭如古本朝有之今無識者

皮黃肉白者更峻利



紅芽大戟紫色



大戟

たいげき

功鉅一下馬仙

和名波夜
此止久佐

タア、キツ

本細大戟生平澤春生紅芽漸長叢高一尺以來莖中空折之有白漿葉長狹似柳葉而不團其稍葉密攢而上三四月開黃紫花團圓似杏花杭州紫大戟為上

江南生者葉似芍藥為次又北方綿大戟色白其根皮柔韌如綿甚峻利能傷人弱者服之或至吐血

根苦寒有小毒利大小便治十二水腹滿急痛不問年月淺

深大戟當歸橘皮各一兩切以水二升煮取七合頓服利下水二三升勿怪至重者不過再服便瘥禁毒食一季永不復作凡大戟得糞即不損脾胃反甘草用之皆蕭解之赤小豆為之使惡薯蕷

△按大戟和州金剛山之產良名小大戟丹波伊豫次之其葉圓葉間開細花有白赤紫數品結實以苧麻根偽之宜擇之



澤漆

としいげき

五鳳草 漆莖
貓兒眼睛草
綠葉綠花草

俗云燈臺草


ツエツツイツ

本細澤漆原澤平陸多有之春生苗一科分枝成叢柔莖如馬齒莧綠葉如苜蓿葉葉圓而黃綠頗似貓睛莖頭凡五葉中分中抽小莖五枝每枝開細花青綠色復有小葉脈之齋整如一插莖有白汁粘入根白色有硬骨

莖葉苦微寒有小毒利水治浮腫功類大戟而其莖有白汁亦同故誤以為大戟然大戟根苗皆有毒澤漆根硬不可用苗亦無毒可作菜食使小豆為之

△按此草形狀似燭臺俗呼名燈臺草其莖汁能治疣黑

子且牛馬亦不食此草乃有毒明矣



甘遂

カンスイ

甘藁 陵藁
甘澤 苦澤
白澤 主田
鬼醜

本綱甘遂苗似澤漆莖短小而葉有汁根皮赤肉白作連珠大如指頭續隨子

根有毒

能瀉十二種水腫木結胸中非此不能除故仲

景大隋胃湯用之但有毒不可輕用瓜蒂為之使惡今人多以麩煨熟用以去其毒

△按甘遂一名途波曾本朝古有之今無

千金子 拒冬

菩薩豆 聯步

續隨子

ソクスイツシ



本綱續隨子苗如大戟初生一莖莖端生葉葉中復出葉花亦類大戟自葉中抽幹而生實青有殼秋種冬長春秀秋實莖中亦有白汁可結水銀人家園亭中多種以為飾子有毒下水最速然不可多服此與大戟澤漆甘遂莖葉相似主療亦相似其功皆長干利水又治疣黑子以續隨子熟時塗之自落

△按續隨子其殼青子如小豆大而黃色紀州之產良



莨菪

らんたん
おやまのくさ

橫唐 行唐
天仙子

和名於保
美留久佐

ランタン

本綱莨菪生海濱川谷今處處有之苗莖高三三尺葉似地黃王不留行紅藍等而濶如三指莖葉皆有細毛四月開花紫色一云五月結實有殼作聖子狀如小石榴房中子至扁細青白色如粟米粒其子不可生服傷人見鬼在亂者煮之十二日而芽方生其毒為物可知矣莨菪雲實防葵赤商陸皆能令人在惑見鬼者

子苦温 八療顛狂方然不可過劑犀角並解其毒
△按莨菪海濱有之其葉形畧似野菊而莖葉皆有白細毛四五月開花有白有赤結實如聖子俗稱之河原艾非也河原蓬別有種今人不知莨菪和名
而漫稱之而已或以莨菪訓煙草甚誤



雲實

からすの多き草雲母泉草

粘刺草子名

員實 雲英

天豆 羊石子

イシニツ 馬豆和名濱

本綱雲實平澤處處山原多赤莖中空有刺高者如蔓其葉如槐三月開黃花纍然滿枝莢長三寸許狀如肥皂莢有子五六粒正如鵲豆兩頭微尖有黃黑斑紋厚殼白仁咬之極堅重有腥氣其花有毒能令人見鬼發狂實無毒
△按雲實原野池堤有之俗謂之鴉乃豌豆
一種有野豌豆者其花淡紫色其葉似胡豆葉而結莢
一種有野胡豆者其花紫白色其葉似槐葉而結莢
共出柔滑菜部而人食其葉雲實相似而有開黃花之異耳不可不知是毒草之屬也



苧麻

和名如良加之波
三云如良衣

本綱苧麻夏生苗葉其莖有赤有白中空其葉似大麻葉而甚大每葉凡五尖夏秋間極裏抽出花穗壘壘黃色高丈餘每枝結實數十顆上有刺攢簇如蠟毛而軟凡三四子合成一顆枯時劈開狀如巴豆殼內有子大如豆殼有斑點狀如牛蠅再去斑殼中有仁嬌白如續隨子仁有油可作印色及油紙子無刺者良子有刺者毒子甘辛有毒外用屢奏奇効但不可輕內服搗膏點六畜古根下即不能食點肚內即下血死其毒可知矣如服者下生不得食炒治口眼喎斜搗膏左貼右貼右貼左貼即正又催生下胞取七粒去殼研膏塗脚心若胎及衣下

便速洗去不爾則子腸出如子腸出即以膏塗頂則腸自入也油取毒乃外科要藥鴉鵂油能引藥氣入內苧麻油能拔病氣出外故諸膏多用之
△按苧麻和名唐獮言其葉唐荏言其油今俗稱唐胡麻出於和州者良紀州藝州之產次之近頃煉成用代蠟燭又取油法苧麻仁去殼五升用水一斗煎之沫出盡取一點入水不散為度

朱印色

其方有數品一方苧麻子五十錢去皮川棟子五十個取肉黃蠟錢二銀朱錢二艾葉綿者用二錢如先用川棟子肉黃蠟煉和冷定苧麻油及艾膏合成絹裹用又黑印用油煙灰和苧麻子油用之
一種有博落迴者生江南山谷莖葉如苧麻莖中空吹之作聲如博落迴折之有黃汁不可用入口有大毒人立死

△按博落迴本朝未知有之



常山

恒山鷄屎草
互草鴨屎草
根名常山
葉名蜀漆
和名久佐木
一云山字豆木

本綱常山生山谷間莖圓有節高者不過三四尺葉似茗而狹長兩兩相當二月生白花青萼五月結實青圓二子為房其草暴燥色青白堪用若陰乾便黑爛鬱壞矣根似荊根黃色而破細實黃者為雞骨常山用之最勝五月采一種出於海州者葉似楸葉八月有花紅白色子碧色似山棟子而小

常山苦寒蜀漆辛平共為治瘡之最要不可多進令人吐逆老人久病切忌之生用則上行必吐酒蒸炒熟則利枯梗為之使

△按常山處處有之出於丹波者為良其葉甚臭高丈許木之屬故稱臭木葉似梓楸葉而團尖畧皺不澤六月開細花白紅雜攢亦似梓楸花蓋嶺嶺所謂海州之常山是乎然本草不言葉臭者未審人以其葉為治瘡藥屢有効但本經常山葉如茗葉者本邦未有之常山蟲在此木株中蟻也蝕木心六七月破株取之用入疳藥或炙食小兒凡取蟻法有蟲木株必有小孔用管吹水於中蟲首出於孔輒剪木縛兩端探得之



藜蘆

山葱 葱苣
豐蘆 葱葵
葱葱 鹿葱
葱葵

本綱藜蘆山谷處處有冬凋春生苗葉似初出椶心又似軒前草莖似葱白青紫色高五六寸上有黑皮畧莖似椶

皮有花肉紅色其根似馬腸根長四五寸許黃白色鬚三
二寸許二三月采根陰乾生高山者為佳

根辛寒或云吐上膈風涎癩病凡吐藥不一常山吐瘧瓜

丁苦熱烏附尖痰濕萊菔子痰藜蘆則吐風痰者也

黃連為之使反芍藥細辛人參沙服之吐不止飲葱湯

參紫參丹參苦參惡大黃畏葱白

即止

△按藜蘆今多植庭園愛其花形狀全如上說而根少異

耳性宜陰處冬亦不凋葉似車前草而厚長布地生三

四月抽莖開花肉紅色或淡黃或棕色或外褐內白或

外紫內黃或樺色或外青內白者名五須手或淡紫者

多出船根圓似扁莖而中根多如髭故名蝦根恐此藜

蘆也然自古以万年青為和藜蘆甚非也

倭方有桑山小粒丸能治小兒諸蟲驚癇方中有苦參

藜蘆此相友之物何得宜乎但如倭方藜蘆即用万年

青佳也故藥肆和藜蘆万年青根也見干後



木藜蘆

くまのいんげん
くまのいんげん

黃藜蘆
鹿驪

俗云濱木綿

又云濱芭蕉

モツリイロソ

本細木藜蘆生近水溪澗石上小樹也莖葉與藜蘆大同

葉狹而長多皺文四月開細黃花五月結小長子如小豆

大根鬚百餘莖苦辛温不入藥用

△按木藜蘆南紀海濱溪澗有之高二尺許莖葉微似芭

蕉而狹長又似蜀黍苗有淺黑皮裹蘆數片層層夏抽

莖開黃花不如藜蘆花之艷性畏寒移植之於京大坂

多難茂又以不甚美人不為珍自古以藜蘆稱於毛止

故是亦呼曰濱於毛止各誤而已

如葉...



萬年青

千年藍萬年春

今云於毛止

本草新編云氣味苦
澀微寒入腎經及肺
專通任督之脈

三才圖會云萬年青葉似芭蕉隆冬不凋以其多壽故名
 △按萬年青性好陰濕石間葉布地生似玉蜀黍葉而小
 厚勁深青四時不凋夏根傍抽莖生花無葉瓣其莖一
 寸許淡青色花房黃白色而亦一二寸大如櫻桃形如
 橫槌結子初青後正赤累累攢生大如櫻桃
 一種有葉縱文白者呼名筋萬年青以為珍三才圖會所
 畫有縱理致富全書云其於春秋二分時分種四月
 俗誤藜蘆為萬年青之訓葉畧似而終以萬年青根為
 倭藜蘆市之豐前中津之產良遠列朝比奈藝列廣島
 亦佳挿葉及實於花瓶稱萬年青前置以為極秘傳



附子

別有草烏頭
白附子故呼
之為黑附子
川烏頭

本綱烏頭乃附子之母綿州彰明縣多種之今之四川地
 最為上江南來者不堪用每年以上田熟耕作壟十一月
 播種春月生苗其莖類野艾而澤其葉類地麻而厚其花
 紫瓣黃粧長苞而圓其品凡七本同而未異其初種之小
 者為烏頭附烏頭而旁生者為附子又左右附而偶生者
 為鬲子附而生出或變出形長而不生子者為天雄附而
 尖者為天錐附而上出小者為側子附而散生者為漏藍
 子皆脈絡連貫如子附母凡種一而子六七以上則皆小
 種一而子二三則稍大種一而子特生則特大
 附子辛溫有大毒
 陰證要藥凡傷寒傳變三陰及中寒夾陰

雖身大熱而脉沉者必用之或厥冷腹痛脉沉細甚則
唇青囊縮者急須用之有退陰回陽之力起死回生之
功陽中陰浮中沉無所不至為諸經引用之藥
凡附子無乾薑不熱得甘草則性緩得桂則補命門得生
畏防風黑豆綠豆甘草人參黃耆犀以躡坐正節角少
角忌煎汁得蜀椒食鹽下連命門
者為上其色以花白者為上有節如鼠乳色亦鐵色者
次之形不正而傷缺風皺者色亦青綠者為下
本草必讀云市肆售者有以鹽水浸之取其潤濕
體重買者當以體乾堅實項圓正底平者為良

烏頭

別有草烏頭故呼之川烏頭乃附子之母也能治諸風
附子性重滯溫脾逐寒若寒疾即用附子風疾即用
烏頭性輕疎溫脾去風川烏頭

天雄

一名白幕種附子生出長者至三四寸許或種附子而
盡變成長者即如種芋形狀不一之類也但不生子故
曰天雄其長而尖者謂之天錐象形也須重一兩半有
象眼者乃佳

天雄辛溫有大毒治大風寒濕痺骨節痛凡虛寒須用附子
風家多用天雄烏頭附子共是補下焦命門陽虛之藥

側子

一名剪子蓋附子之側粘連小者名側子辛大熱有大
子治癰腫風痺又治遍身風癢神妙也烏頭乃原生得
移居乎中者也側子散生旁側體無定在其氣輕揚宜
其發散四肢文連皮毛為治風之藥天雄長而尖其氣
親上宜其補上焦之陽虛漏籃子則餘氣所
結其形催殘宜其不入湯服令人喪目也

漏籃子

一名木鼈子又名虎掌天南星之小者亦名此乃附子
虎掌此物與同名

之瑣細未成者小而滿籃故名之苦辭此不堪服餌止
宜入瘡科也服之令人喪目

△按附子有毒藥而虛寒厥冷症必用之良藥也凡體重
實一個十錢有余為上七八錢者為下浸鹽水渡之故
至夏月如不曝乾則濕爛不堪用

延喜式有貢附子則昔本朝出附子乎今止有草烏頭
耳中華亦四川外多無之



草烏頭

烏喙兩頭
土附子受毒
耿子毒公

ツクウ、エウ 芫音董音獨白草

又名鴛鴦菊汁煎名射罔本綱云草烏頭根苗花實並與
川烏頭同但此係野生又無釀造之法其根外黑內白皺
而枯燥為異爾然毒則甚焉烏喙則偶生兩岐俗曰兩頭

尖者也附子天雄之偶生正月始生葉厚莖方中空葉四

四相當與蒿相似氣味大辛溫有毒治中風惡風洗洗出汗破積聚寒熱遠志

反半夏括樓貝母白芨畏節糖黑豆冷水能解其毒

射罔

苦有大毒此即草烏頭生去皮搗芋莖汁瀝汁澄清旋

漆晒乾取膏為射罔以傳箭射禽獸十步即倒中人亦
死人中其毒以甘草藍汁小豆葉浮萍冷水薺菜皆可

一味禦之

△按草烏頭俗呼名止葉似菊葉而厚八九月開花淺紫

色形似伶人所着烏冠故名之又有白花者其根乃草
烏頭也用殺頭蠶瘡外科用之和州金剛山之產良若

州江州次之今人家種之賞花此與蝦夷射罔
蝦夷人每用射罔毒塗箭其鏃圓木也名燕以射禽獸

彼土無兵器用之禦入中者斃焉如今能知其解毒藥
 不強怖矣羽州有之村上野葉形尋常草烏頭無異其
 毒甚烈誤食一葉即死土人名蕪射野蝦夷人所用
 射野是也



白附子

ペツフツラ

本綱白附子本出高麗新羅生砂磧下濕地獨莖似鼠尾
 草細葉周匝生於穗間根正如草烏頭之小者長寸許乾
 者皺文有節蓋因與附子相似故名白附子彼稱黑附子
 實非附子類也

氣味辛甘温
 有小毒
 一切冷風
 陽明經藥純陽引藥勢上行治中風失音



天南星

テンナンスイ

虎掌
 鬼菟藟
 虎膏
 和名於保々曾美

本綱虎掌 河北多有之三四月生苗高尺餘獨莖上有
 葉如爪五六出分布尖而圓一窠生七八莖時出一莖作
 穗直上如鼠尾中生一葉如匙累莖作房旁開一孔上下
 尖中有花微青褐色結實如麻子大熟即白色自落布地
 一子生一窠其根初如豆大漸長大似半夏而扁年久者
 根圓大者如雞卵周匝生圓牙三四枚或五六枚
 天南星 冀州菜園中種之二月生苗似荷梗其莖高一
 尺以來葉如蒟蒻兩枝相抱五月開花似蛇頭黃色七月
 結子作穗似石榴子紅色其根似芋而圓扁與蒟蒻相類
 但蒟蒻莖斑花紫此是根小柔臍肌細炮之易裂為可辨

爾蓋天南星即本經虎掌也由小者名古方多用虎掌不言天南星始於唐時名虎掌因葉形似之非根也南星因根圓白形如老人星狀故名南星

天南星苦辛乃手足太陰脾肺之藥味辛而麻得風故能治風散血氣溫而燥得牛膽故能勝濕除涎性緊而毒則得火炮故能攻積拔腫而治口喎舌糜畏附子乾薑生薑欲其下行以黃蘗引之

△按虎掌本名也倭名抄亦有虎掌無天南星蓋天南星之名始出於唐時也明焉今却虎掌無識者疑此從虎掌子種所出異品名天南星一物異品近頃亦出異品武藏燈之類是也既虎掌與天南星相似而各別也又天南星有二種花房淺青色而未如鼠尾者高不過尺惟如匙及佛後光也無鼠尾者高二尺許是自一類二種也三才圖會及本草必讀出虎掌與天南星之二圖為二物明焉天南星日向薩摩之產最良豐前中津藝

州廣島之產次之



武藏燈

むさしあぶら

草珊瑚珠

△按此出於虎掌子種高尺許葉大似虎掌三四月開花外青內亦黑色形似馬燈故俗名武藏燈其稍秋結實似天南星及万牟青子而小攢生為一團正紅色至冬葉落而唯見子耳故側植石章而假用其葉



歡喜草

くわんせいさう

歡喜草

雪節草 皆俗稱也

ゆきせちくさ

△按歡喜草即天南星變生於子種者也近頃始出豫州
 移栽攝陽人以為奇異好事者附異名也二月生一莖
 作花房其本一二寸如筒帶微褐色而為半片如匙白
 色亦似佛後光末尖曲覆干花上其花生筒中圓白如
 餅故名雪餅草四五月花落結實形如玉蜀黍而細小
 青色熟乃紅色莖葉如莧莧



芍藥

舉

和名古通
夜久

莧頭 鬼芋

本細芍藥本出蜀中宜樹陰下掘坑積糞春時生苗至五
 月移之長一二尺與天南星苗相似但莖多斑點其花紫
 色宿根亦自生苗經一季者根大如碗及芋魁其外理白
 秋後采根須淨擦或搗或片段以醋灰汁煮十餘沸以

淘洗換水更煮五六遍即成凍子切片以苦酒五味淹食
 不以灰汁則不成也切作細絲沸湯炒過五味調食狀如
 水母絲

根辛寒有毒生則斂入喉出血延壽書云有人患瘵百物不
 忌見隣家修芍藥求食之美遂多食而瘵愈又有病腮
 癰者數人多食之亦皆愈

△按芍藥紀州粉河總州鍋山之產為上備前丹波次之
 讚州又次之七八月采根晒乾掛檐間煮之為餅詳干造釀
 類又為紙衣糊煮熟以裨心透通取出搗為糊又瘵疾
 人食之發

菩薩草

本綱生江浙州郡凌冬不凋秋冬有花直出赤子如莧頭
 冬月采根用味苦無毒主中諸毒酒毒研服之又諸蟲傷
 搗汁飲并傳之

△按菩薩草即今云歡喜草之類乎然歡喜草冬枯春生苗此物凌冬不凋以為異故重出



半夏

守田 水玉
地丈 和姑
和名保曾久美
俗云烏杓

本綱半夏以青州齊州者為佳二月始生苗一莖莖端三葉淺綠色頗似竹葉白花圓上也月令五月半夏生蓋當夏之半故名之八月采根實大生江南者似芍藥葉根下相重上大小皮黃肉白

根辛生微寒肉白者佳不厭陳久凡用生者戟人咽喉惡皂莢畏生方中有半夏必須用生薑者以制其毒也薑乾薑及烏頭柴胡為之使治熱痰風痰南星以寒痰痰痞佐以陳口渴者禁用孕婦忌之則無害

○修治 洗去皮垢以湯泡浸七日逐日換湯令滑盡眼

乾切片薑汁拌焙入藥

半夏餅 用半夏研末以薑汁和作餅子日乾用

半夏麩 用半夏研末以薑汁白礬湯和作餅楮葉包

置籃中待生黃衣日乾用

經云腎主五液自入為唾入肝為泣入心為汗入脾為痰入肺為涕有痰曰嗽無痰曰欬痰者因嗽而動脾之濕也半夏治痰之標不能治痰之本治本者泄腎也俗以半夏為肺藥非也

俗以半夏有毒用貝母代之夫貝母肺經藥半夏足太陽明謂何可以代若勞虛咳嗽吐血咯血肺痿肺癰婦人乳癰及癰疽惡毒乃禁用半夏故皆以貝母為向導猶可代也至於脾胃濕熱涎化為痰久則生火痰火上攻昏憤僵仆蹇澁等症生死且夕亦豈貝母可代者耶

△按半夏 出於豫州者最良豐州中津藝州廣島雲州

島根郡江州之產皆次之凡大粒而色白無皮者為良
 小粒而色不白及有皮者不可用也藥肆所造麴半夏
 多用小者其薑製亦不精也特有毒之藥修製不可輕
 忽宜自製詳審也
 治五絕急病自益。墻壁木石。壓。瀉水。魔魅。產乳。以丸半夏細末用冷水
 和丸如大豆納鼻孔中心頭溫者雖經一日可治



蚤休

蚤休 三層草
 七葉一枝花
 草甘遂 蚤休
 紫河車 重臺
 白甘遂

本綱又名金線重樓或云金線生深山陰濕之地一莖獨上
 莖當葉心葉綠色似芍藥又云葉似王孫薺麻凡二三層
 每一層七葉莖夏月開花一花七瓣有金線蕊長三四
 寸又有至五七層者根如鬼臼蒼朮狀外紫中白有花

根苦微寒有毒 摩醜傳癰腫蛇毒甚有效俗諺云七葉
 一枝花深山是我家癰疽如遇者一似手拈拏是也



鬼臼

鬼臼 天臼 鬼藥
 爵犀解毒 早荷
 害母草 羞去花
 木律草 八角盤
 唐婆鏡 獨脚蓮

獨荷草山荷葉馬目毒公瑠田草有數本綱有二種根皆
 似天南星赤莖直上莖端生葉一種葉凡七瓣一種葉作
 數層葉似薺麻面青背紫而有細毛葉下附莖開一花狀
 如鈴鐺倒垂青白色黃蕊中空結黃子風吹不動無風自
 搖又曰此草一年生一莖既枯則生一白及入九年八九
 日矣然一年一白生而一白腐蓋陳新相易也
 根有毒 解百毒治子死腹中胞破不生者此方累效救
 鬼臼不拘多少黃色者去毛為細末不用篩羅只熱每

服一錢酒一盞同煎八分通口服立生如神名一字散



射干

野萱花草薑
黃遠 仙人掌
紫金牛

本綱射干有數說今取春生苗高一二尺葉大類蠻薑而
挾長橫張疎如鳥翅及扇之狀中抽莖似萱草莖而強硬
六月開花大如萱花黃紅色瓣上有細文秋結實作房中
子黑色

根苦寒多服瀉人能降火故治咽喉腫痛射干根山豆

根陰為末吹之如神

△按本草綱目射干與烏扇為一物因倭名抄亦云射干
一名烏扇須和名加良並未詳審其二物莖葉花形狀各
別也獲頌所謂莖梗疎長正如射之長竿之狀者射干

也莖短葉側相比而如扇者烏扇也

射干葉似鷲尾而濶段段抱莖上生中心抽一莖高三
四尺七月開花似萱草花而六瓣黃赤俗呼紅有細點

畧如山丹花結實作房如胡麻房而三稜一房六隔有
中子二三十粒大如豌豆而生青熟紫黑色而硬

一種小射干一名姬葉小而長六七寸如石菖葷花亦
小淺紫畧似菖蒲花而小美可愛



烏扇

烏扇 鳳翼
鬼扇
和名加良須
阿布岐
俗云檜扇

△按本綱烏扇射干以為一物今別之異名亦分附于此
凡物其與葉以相似者謂之烏此似官家所持檜扇故
名烏扇又名檜扇乎其葉似鷲尾而挾勁色亦深潤比

比匾平相雙頗如扇抽莖不過一二尺四月開花狀似
鸞尾花而小灰白色有黃文而不結實其根蘆微紫色
俗相傳修驗者呪咀調伏以此花為佛供故尋常忌之
未_レ知_レ然_レ否_レ

又世俗所謂烏扇乃射干射干乃烏扇也共以形狀辨
之則自明焉蓋二物培柴灰於根則葉生皺以為奇珍
射干之名有三佛經射干貂楮此是惡獸似青黃狗食人
能緣木阮公云射干歸層城者是樹殊有高大者本草射
干是草節今人所種者也射字神夜切音此為獸名則寅射切音夜



烏扇

イニウイ

烏園

根名烏頭
知名古夜須久佐
俗云伊知波豆

本綱鸞尾其苗低下於射干葉布地生狀如鸞之尾其葉

似射干而潤短不抽長莖夏開花紫碧色根似高良薑節
大數箇相連皮黃肉白

根_レ苦_レ平 嚼_レ之_レ戟_レ入_レ咽_レ喉_レ但_レ治_レ邪_レ氣_レ鬼_レ疰_レ諸_レ毒_レ

四物鸞頭散 治_レ鬼_レ魅_レ邪_レ氣_レ鸞_レ頭_レ黃_レ牙_レ疳_レ金_レ菴_レ若_レ子_レ防

葵_レ為_レ末_レ方_レ酒_レ服_レ欲_レ冷_レ病人_レ見_レ鬼_レ增_レ防_レ葵_レ一_レ分_レ欲_レ令_レ知_レ鬼

又增_レ一_レ分_レ立_レ驗_レ不_レ可_レ多_レ服_レ

△按鸞尾莖矮形狀似烏扇而艷色似射干但烏扇射干共與今俗所
翻_レ可_レ見_レ三_レ四_レ月_レ抽_レ短_レ莖_レ開_レ花_レ形_レ似_レ燕_レ子_レ花_レ而_レ紫_レ色_レ花_レ之
底_レ微_レ白_レ



玉簪

ヨツツワツロ

白鶴山

俗云岐保宇之

本綱人家栽為花草二月生苗成叢最高尺許柔莖如白菘

其葉大如掌圓而有尖葉上紋如車前葉青白色頗嬌瑩
六七月抽莖莖上有細葉中出花朶十數枚長二三寸本
小末大未開時正如白玉搔頭簪形又如羊肚蘑菇之狀
開時微綻四出中吐黃蕊頗香不結子其根連生如鬼白
射干生薑薑有鬚毛舊莖死則根有一白新根生則舊根
腐

根甘辛寒 治癰腫 搗酒服以渣傳之

古今醫統云嚴冬用稻草覆其根則來春易發
畫譜云春初移種肥土中則茂其花辨入少糖霜煎食香
清味淡可入清供

△按玉簪葉潤圓末尖似橋欄干之形故俗呼名岐保宇
之五月開花也如上說六七月結實作莢長寸許一莖
十余莢垂下生青熟枯黃邑內有細子正黑色也然本
草謂不結子者非也又蘑菇之茹當作蕈疑傳寫之誤
矣而羊肚菜俗云井蕈菰草俗云菰詳于芝栢類

こびかりし

小玉簪



本綱玉簪之紫花者葉微狹○畫譜云玉簪紫者花小葉
上黃綠間道喜水分種盆右栽之可玩
△按俗云小玉簪葉狹長抽莖也二三尺長於白鶴仙其
花微紫或純白也又有葉上黃縱理者謂之紫玉簪花
以為異近年出之畫譜所言者是也



鳳仙花

フシスエハス

急性子 旱珍珠
金鳳花 小桃紅
深指甲 草薺
夾竹桃 海蔘

本綱鳳仙花極易生二月下子五月可再種苗高二三尺
莖有紅白二色其大如指中空而脆葉長而尖似桃柳葉
而有鋸齒極間開花或黃或白或紅或紫或碧或雜色亦
自變易狀如飛禽頭翹尾足具如鳳狀女人米其花及葉
包深指甲自夏初至秋盡開謝相續結實纍然大如櫻桃
其狀微長色如毛桃生青熟黃犯之即自裂皮卷如拳苞
中有子似蘿蔔子而小褐色
子微苦温能治骨哽以竹筒灌立食但此草不生蟲蠹
蜂蝶亦不近恐亦不能無毒也其子性急速故能透骨
軟堅危人烹魚肉硬者投數粒即易軟爛是其驗也凡
服之者不可着齒也最損齒與玉簪根同多用亦戢人
咽

畫譜云金鳳花六種有重瓣單瓣紅白粉紅紫色淺紫如
藍有白者上生紅點凝血俗名洒金六色花開一落即去
其蒂則花茂與月季同

△按鳳仙花蜂蝶亦不近之說非也特蝶喜吸其花也然
為人則可有小毒能解物骨故亦不可不損人齒



曼陀羅花

風茄兒
山茄子

本綱曼陀羅花生北土人家亦栽之春生苗夏長獨莖直
上高四五尺生不旁引絲莖碧葉如茄葉八月開白花
凡六瓣狀如牽牛花而大攢花中折葉外包而朝開夜
合結實圓而有下楞中有小子九月采實
法華經言佛說法時天雨曼陀羅花又道家北斗有陀羅
星使者手執此花故後人因以名之
花子辛温治面上生瘡曼陀羅花晒乾研末少許貼之
時珍曰相傳此花笑米釀酒飲令人笑舞米釀酒飲令

本草綱目卷之五十五
曼陀羅花

入舞予常試之飲酒半酣更令人或笑或舞引之乃
 驗此與火麻子花陰乾等分爲末熱酒調服三錢少頃
 昏昏如醉割瘡灸火宜先服此則不覺苦
 △接近頃來於朝鮮今人家多栽之花似大牽牛花及博
 多百合花故俗曰朝鮮牽牛花其實似檳榔子而有細
 礪文又別有名曼陀花者同名異種 見溫草部



羊躑躅

黃躑躅 老虎花
 黃杜鵑 鷲羊花
 玉枝 羊不食草
 開羊花 開當作
 ヤチツ チョツ 俗云蓮華豆之

本綱近道諸山皆有之小樹高二尺葉似桃葉三四月開
 花黃色似凌霄花而五出蕊辨皆黃而氣味皆惡
 花辛溫有毒 羊食其葉躑躅而死
 △按羊躑躅一名以波豆之槌本草之諸說則今云蓮

華躑躅也丹波及和州吉野山多有之其木二三尺高
 者五六尺葉似楊梅葉而薄有微白毛三月開花五出
 似凌霄花一莖八九莖遠望之如蓮華故名之又有赤
 蓮華者換頌云嶺南有深紅凡躑躅之品類雖多黃花
 者惟蓮華躑躅豆其躑躅之二種也而檜躑躅岩躑躅
 等亦一類而花色不黃

豆其躑躅

俗云未女加良豆豆之

△按豆其躑躅溪山巖石間有之三四月開花似芙蓉柳
 花而黃色其葉四時不凋 丹波卷反似豆空莢故名之
 丹波水上市郡之山中有之



檜躑躅

俗稱
 俗云毛知豆之

△按竊躑躅葉淺綠色有細毛枝少花繁三四月開花淺紅似桃花色而一枝數萼其花及萼觸手即黏如藕故名之花形色不美今人四月八日灌佛用之或插竹竿供之未知其概但當此時甚多故取其簡易耳

一種有躑躅名江戶萬葉似竊躑躅其花千葉而色濃不黏為異

一種有岩躑躅伊波豆葉花共小花色深赤



琉球躑躅

平戶躑躅

△按平戶九州之地名本出於琉球四月開花單瓣白最易發茂其大者至一二丈

一種有朝鮮躑躅高五六尺葉似樺葉三四月開花大如平戶躑躅花而淡鼠白色潤澤最為珍



永來部躑躅

△永來部薩摩之南島也出於彼土甚暖故如雖移種于畿內怕寒難茂盛其花赤大徑五六寸許甚奇凡躑躅之種類最多不下三百種不能悉記之



山躑躅

山石榴

杜鵑花
和名阿伊豆々之
今云左豆木

本綱山躑躅處處山谷有之高者四五尺低者一二尺春
生苗葉淺綠色枝少而花繁一枝數萼二月始開花如羊
躑躅而蒂如石榴花有紅者紫者五出者千葉者小兒食
其花味酸無毒

草本叢譜云杜鵑花喜陰惡肥天蚤以河水澆之樹陰下
放置則茂葉色青翠可觀有黃白二色

一種有藤牽牛花者葉似躑躅而花似山石榴而大淡紫
色蓋藤者言色牽牛花者言形

△按山躑躅高者五六尺其花有白有赤有紫有桃紅有
赤白襍開者至三百余種四月始開五月為盛人呼五月
月稱佐豆幾故名之凡紀列遠列等山中躑躅山鵲花
共大木多有高一二丈周二尺許者

攝列須磨一谷二谷至權現山凡三四里許遠列秋葉
山麓乾川兩邊亦三四里許躑躅山鵲花甚多夏月滿
山頗如錦凡正月折枝植地則活攝列多由鄉圃人常

栽之販市又木株最堅燒炭以為圍炭圍者茶湯室名
訊曰加文井



映山紅

俗云岐利之末

紅躑躅

草本叢譜云映山紅生滿山頂其年豐稔人競之

△按本草綱目山躑躅杜鵑花杜鵑花映山紅躑躅以為一物今
別為二種凡躑躅葉形類桃及柳葉映山紅葉畧帶圓
形杜鵑花葉形比映山紅狹長三種大異也

映山紅花類杜鵑花而小深赤色單葉三月開花能映
滿山故名之有大小二種小映山紅開花最繁蔽枝條
堪愛今又有白花者有單葉八葉千葉之數品大抵二
三尺高者一二丈以為珍薩摩日向山谷多有之移種
于諸國彼地有霧島嶽每嶺燒起且此花映山故名之

朝鮮載晉山世稿云本朝後土御門時得日本躑躅數盆
 及其花開葉單而花瓣甚大色類石榴重附疊萼久而不
 衰其與我國色紫而千葉者妍蚩不啻若嬖母與西施也
 上嘉賞之命下上林園分植外人秘莫能得後一以種盆
 一以種地以試之種地者凍死而盆者無恙數年之間枝
 條方盛映此杜鵑花或大



荒花

杜荒敗華赤荒
 毒魚兒草去水
 頭痛花其根名
 黃太乾蜀桑
 俗云以波布知

本綱荒花近道處處有之宿根舊枝莖紫長一二尺根入
 土深三五寸白色似榆根春生苗葉小而尖似楊柳枝葉
 二月開紫花頗似紫荊而作穗又似藤花而細三月未花

五月采葉八九月采根陰乾小人爭鬪者取此葉按擦皮
 層輒作赤腫如被傷以証人其花有紫赤白者絳州出者
 花黃謂之黃荒花凡因其氣惡呼為頭痛花
 荒花苦溫治欬逆上氣喉鳴喘咽腫瘰癧水腫用當微熬
取留陳久者張仲景治傷寒太陽證表已解有時頭痛
良反甘草出汗惡寒心下有水氣乾嘔痛引兩脇或喘或欬者用
 十棗湯治之中有荒花

△梅荒花俗云葉花並似藤而小三月開花紫色或白色
 乃如有紫藤白藤二種然未見赤黃者
 別有谷藤草類又有華鬢草草類共似荒花而異



荒花 饒音

和名波末仁禮

本綱莨菪花即芫花黃色者也小株花成簇生其花生時色黃乾則如白或言無莨菪花以桃花代之取其利耳氣味苦寒治傷寒溫瘧下十二水破積聚癥瘕

△按芫花有和名則古者有之乎今無之



醉魚草

開魚花機木
魚尾草

ツイイニツアウ

本綱醉魚草在塹岸邊作小株生高者三四尺根狀如枸杞莖似黃荊有微稜外有薄黃皮枝易繁行葉似水楊對節而生經冬不凋七八月開花成穗紅紫色儼如莨菪花一様結細子漁人采花及葉以毒魚盡圍圍而死池沼邊不可種之此花色狀氣味並如芫花毒魚亦同但花開不同時為異爾

又有狀如藕而赤華名曰葶藶者可以毒魚



莽草

茵草 芒草
鼠莽 莽俗
音 莽
罔或入木部

シツアウ

本綱莽草木若石南而葉稀無花實採之其臭如楸搗以和陳粟米粉納水中魚吞則死浮出人取食之無妨又山人以毒鼠周禮煎氏掌除毒物以茵草熏之則死氣味辟温治喉痺及牙痛取葉煎湯熱含冷則吐之誤食之害人惟黑豆煮汁服可解豆汁澆其根即爛性相制也

△按莽草俗以為楸者非也楸有花實是亦入水中魚死故相誤乎

和藥三折圖會

毒草 卷之九十五

三十二



茵芋

茵蕒 莞草
甲共
和名仁豆之
云乎加豆之

本綱茵芋，雍州絳州華州杭州有之。春生，苗高三四尺，莖赤，葉似石榴而短厚，又似石南，葉四月開，細白花，五月結實。

莖葉苦溫。茵芋莽草，皆古人治風藥，為妙品。近世罕知。按茵芋和名有躑躅之號，詳今躑躅類中，無結實者。



石龍芮

地椹 天豆 石龍
魯果能 水堇
胡椒菜 堇菜
彭根 苦堇
和名不加豆美
俗云田芥子

本綱石龍芮，生近水下濕地，高者尺許，其根如薺。二月生，苗叢生，圓莖分枝，一枝三葉，葉青而光滑，有三尖，多細缺。四五月開，細黃花，結小實，大如豆，狀如初生桑椹，青綠色，槎散，則子甚細，如葶藶子，宜半老時采之，入藥有二種。

水生，葉光，末團者，石龍芮也。陸生，葉毛，末銳者，葶藶也。子根無毒，治風寒濕痺，心腹邪氣，利關節，補陰氣，久服輕身明目，不老。治蛇咬傷，瘡及血痢，乃平補之藥。古方多用之，其功與枸杞覆盆子相持，而世人不知，用何哉？

按石龍芮，葉如人參，葉而花實與毛茛同，截瘡，按葉貼之，寸白，一夜作泡，功亦與毛茛同，然則是不無毒者也。



毛茛

毛建草 水茛
毛堇 天灸
自灸 猴蒜
俗云鬼田芥子
今云金寶花

本綱毛茛下濕處即多蓋莨暗乃草烏頭之苗此草形狀
 及毒皆似之故名之春生苗高者尺餘一枝三葉葉有三
 尖及細缺與石龍芮莖葉一樣但有細毛為別四五月開
 小黃花五出甚光艷結實狀如欲綻青桑椹而有尖峭與
 石龍芮子不同

葉及子辛温有毒 惡瘡癰腫疼痛未潰者搗葉傳之加入肉爛
 截瘡采葉按貼寸口男左女右一夜作泡如火燎
 △按毛茛形狀如上說今千葉花亦有花罷莖枝則更
 生苗一莖一葉無枝極無毛畧似小款冬而冬亦不粘
 至春別抽莖枝葉形變生毛黧青色不似石龍芮光澤



牛扁

倭名太知未知佐

ニウペン

本綱牛扁生平澤下地似葦草石龍芮葦根如秦艽而細
 根苗苦微寒無毒 治身皮瘡熱氣可作浴湯殺牛虱又能治
 牛病

虱建草

本綱生山足濕地發葉似山丹微赤高一二尺味苦無毒
 接汁沐頭虱蟣盡死



葦麻

毛蕪同葦字

本綱葦麻山野諸處多其莖有刺高二三尺葉似花桑或
 青或紫背紫有毛芒可畏觸入如蜂螫螫蠶以人溺濯之
 則解有花無實夏冬不凋按投水中能毒魚

本草綱目卷之...

氣味辛苦寒 治蛇毒搗塗之人食之吐利不止按投水中能毒魚杜子美有除藜草詩是也



海芋

觀音蓮 羞天草 隔河仙 天荷

本綱海芋生蜀中今處處有之春生苗高四五尺大葉如芋葉而有幹其大者可以禦雨葉背紫色夏秋間抽莖開花如一瓣蓮華碧色花中有蕊長作穗如觀音像在圓光之狀其根如芋魁大者如升筵長六七寸蓋野芋之類也以可變金味辛有大毒

透山根

本綱生蜀中山谷其草類薜蘿昔有人採藥誤研此草刀

忽黃軟成金也取汁可以點鐵成金有大毒人誤食之化為紫水見岫嶼神書及庚辛玉冊

一種有金英草亦生蜀中狀如馬齒莧而色紅模鐵成金

亦有大有毒入口殺入須臾為紫水也

按蜀中者今之四川地出諸藥名草透山根金英草亦有之矣但變鐵成黃金者變色耳



鉤吻

野葛 斷腸草 毒根 胡蔓草 黃藤 火把花 俗云奈倍和利

本綱鉤吻南方桂州益州等村墟閭巷間皆有蔓生莖大如箭而方其葉如柿圓面光春夏嫩苗毒甚秋冬枯老稍緩五六月開花似檉柳花而色紅又有黃花者數十朵作穗其根新米者皮白骨黃宿根似地骨與白花藤相類人

亦惑之新者折之無塵氣經年以後則有塵起從骨之細孔中出今又折枸杞根亦然人誤食其葉者半日則黑爛死無復生少入口則鉤入喉吻也故名鉤吻然羊食其苗大肥物有相伏如此或云葉如茶然謂昔岐伯對黃帝言黃精益壽鉤吻殺人乃是二草善惡死如食鉤吻葉而飲冷水即死急也冷水發其毒也薤菜能解其毒取薤菜汁滴鉤吻苗即萎死如中鉤吻毒口不可開者取大竹筒洞節以頭柱其兩脇及臍中灌冷水入筒中數易水須臾口開乃可下藥解之惟多飲甘草汁人尿汁或取雞卵抱未成雛者研爛和麻油灌之吐出毒物乃生稍遲即死

△按駿列遠列及備列有銀破者延蔓生莖有刺葉似山茶葉而不尖有縱理六月開小花秋結實熟則外皮開裂內子赤其葉有毒舌亦唇舌裂故名銀破銀破如此鉤吻草之類然本草鉤吻不言子有無

和漢三才圖會卷第九十六目錄

蔓草類

兔絲子	五味子	蓬蘽
覆盆子 <small>蘆</small>	樹莓	蛇莓
使君子	木鼈子	馬錢子
馬兜鈴	羅摩	槓藤子
預知子	牽牛子	旋花
纏枝牡丹	鐵線草	風車草

紫葳

茶蘼花

繅絲花

王瓜

天門冬

葶藶

白薇

九仙子

墙薜

月季花

棣棠花

葛

百部根

菝葜

楮魁

黃藥子

佛見笑

玫瑰花

枯樓仁

黃環

何首烏

土茯苓

鵝抱

山豆根

解毒子

茜草

通脫木

白英

葎草

絡石

常春藤

玉蔓

白藥子

防己

釣藤

赤地利

羊桃

木蓮

千歲蘘

鈴掛草

威靈仙

木通

雪下紅

紫萸

烏葍莓

地錦

忍冬

天仙藤

本草綱目卷九十六

蔓草 卷九十六

目錄一

南藤

藤黃

項王草

粘魚鬚

野木瓜

錦荔枝

出于蔬菜

省藤 荊藤

谷藤

留紅草

牛尾菜

水胡蘆

紫藤

羅生門

千里及

狗掉尾草

落花生

和漢三才圖會卷第九十六

蔓草類

攝陽 城醫法橋寺島良安 尚順 編



免絲子

唐音 トウスクツウ

- 菟縷野狐絲
- 菟蘆金線草
- 菟藟火燄草
- 菟丘唐蒙
- 赤細玉女

本綱免絲子、田野荒園多有之、其子入地、初生有根如細絲、不能自起、及長得他草梗、則纏繞而生、其根自斷、無葉、有花白色、微紅香、亦蘂入結實、如豉豆而細、色黃、生干梗上尤佳。

子氣味 辛甘 平

益氣力 補不足 強陰 堅筋骨 養肌 久服明

目延年治男女虛冷得酒良暑黃松脂
苗甘平治野粉刺紋汁塗之立瘥
△按菟絲子俗云根奈出於和州金剛山者佳丹波之產
次之



五味子

莖藉玄及
會及

和名佐祢加豆良

本綱五味子皮肉甘酸核中辛苦都有鹹味而五味具故名之春初生苗引赤蔓於高木其長六七尺葉尖圓似杏葉三四月開黃白花類蓮花狀七月成實叢生莖端如豌豆許大生青熟紅紫有南北二種南產者色紅北產者色黑入滋補藥必用北產者乃良可取根種之當年就旺若二月種子次

羊乃旺須以架引之

子酸微苦鹹味厚氣輕陰中微陽入手足少陰血分酸鹹入肝而補

腎辛苦入心而補肺甘入中宮益脾胃總收肺氣乃火熱必用之藥故治嗽以之為君但有外邪者不可驟用恐閉其邪氣必先發散而後用之乃良入補藥熟用入嗽藥生用

△按五味子朝鮮之產最良中華次之倭亦次之日本處處多有之而紀州田邊之產良藝州廣島及日向丹波之產次之其梗似甘草浸水取粘汁塗髮甚佳俗呼名美軟石木名義



蓬蘽

覆盆 陵藟
陰蘽 寒莓
割田蔗
俗云豆留以智

本綱此類蓬蘽。覆盆子。凡有五種時珍嘗親采以爾雅所列者按之始得其的諸家異說多皆未可信也蓋蓬蘽者藤蔓繁衍莖有倒刺逐節生葉葉大如掌狀類小葵葉面青背白厚而有毛六七月開小白花就蒂結實三四十顆成簇生則青黃熟則紫黯微有黑毛狀如熟椹而扁冬月亦苗葉不凋

子甘酸 安五臟益精氣強志倍力久服輕身不老



覆盆子

いりいり

莖音西國草 缺盆。異榜伽 和名以知古

本綱覆盆子蔓小於蓬蘽亦有鈎刺一枝五葉葉小而面背皆青光薄而無毛開白花四五月實成子亦小於蓬蘽而稀疎生則青黃熟則烏赤冬月苗葉凋

氣味甘平

安和五臟温中補虛益氣力強陰健陽女子

食子有子

蓬蘽覆盆子二物功用大抵相近雖是二物其實一類而二種也一早熟一晚熟兼用無妨

蘆

音 一名蘆田蘆

蘆田蘆其蔓小於蓬蘽一枝三葉葉面青背淡白而微有毛開小白花四月實熟其色紅如櫻桃似覆盆而太赤味酸甜可食不藥入用覆盆子熟者烏赤色 蘆田蘆熟者紅色



樹莓

懸鈎子木莓 沿鈎子箭音 山莓 俗云木以知古

本網樹莓樹生高四五尺其莖白色有倒刺其葉有細齒青色無毛背後淡青頗似櫻桃葉而狹長又似海棠花葉四月開小白花結實色紅與覆盆子一樣但色紅為異氣味酸平止渴除痰醒酒去酒毒

△按木莓似蒲萄葉而硬深青色莖無刺時珍力所引言者八蛇莓之莖葉也



蛇莓

くろあいらこ 蛇蕪 地莓 蠶莓

俗名知奈波以知古

本網蛇莓田野道旁有之就地引細蔓節節生根每枝三葉葉有齒刻四五月開小黃花五出結實鮮紅狀似覆盆而面與蒂則不同其根甚細其實不堪啖莖葉根汁甘酸大治傷寒大熱胸腹大熱不止通月經又孩兒口瘡以汁灌之傳湯火傷痛即止俗傳食之能殺入亦不然止發冷涎耳

△按蛇莓攝州處處多出之俗傳用蛇莓莖葉煎服治麻痺或與忍冬同用治濕瘡癬疥也未知其處蓋有毒草多服豈得宜乎今人治便毒腫痛按葉丸如大豆二三粒空心服多試皆有効



使君子

留求子

本綱使君子原出嶺南交趾今閩蜀皆栽種之亦易生其藤如葛繞樹而上葉青如五加葉五月一簇一二十葩紅色輕盈如海棠其實長寸許五瓣合成有稜類卮子嫩時半黃老則紫黑其中仁長如榧子色味如栗久則油黑不可用此藥療小兒疾故名留求子氣味甘温治小兒百病五疳小使白濁瀉痢虛熱健脾

胃凡殺蟲藥多是苦辛惟使君子樞子甘而殺蟲亦異也服之者忌飲熱茶犯之即瀉此物殺蟲小兒要藥也俗醫乃謂殺蟲至盡無以消食鄙俚之言也樹有蠹屋有蟻國有盜福耶禍耶修養者先去三尸可類推也
 △按原始曰使君子味甘即是肉然肉少難得今醫家或兼用也近來所渡者多無仁故皆用殼

りぐるー 木蟹

木鼈子

モツピツツ

本綱木鼈子今湖廣諸州皆有之蔓歲一枯但根不死春生苗作藤生葉有五極狀如山藥蒲葇葇青色面光四月生黃花六月結實似枯樓而極大生青熟紅黃色肉上有



軟刺每一實有核三四十枚其形扁礪礪大如圍碁子似

鼈及蟹狀其仁青綠色

氣味苦微甘

治折傷消惡瘡生肌乳癰肛門腫痛痔瘡

療癰腰痛及小兒疳疾倒睫拳毛等良

○倒睫拳毛

因風入脾經致使風痒不住手擦日久赤爛

左患塞右鼻右患塞左鼻其毛自分上下次服蟬蛻藥為妙

まらん 番木鼈

苦實把豆

馬錢子

火朱刻把都

未知年者馬錢之唐音也



本綱馬錢子狀似馬之連錢故名之生回回國今邛州諸處皆有之蔓生夏開黃花七八月結實如枯樓生青熟赤亦如木鼈其核小於木鼈而色白能毒狗至死

氣味 苦寒

治 傷寒熱病咽喉痺痛消痞塊

西番人言用馬錢治一百二十種病每證各有湯引又云以豆腐制過用之良

△按馬錢 治小兒諸蟲藥中入用為桑山氏秘方原異國傳來方乎本草必讀云用番木籠細切搗爛和飯凡殺禽獸以鐵屑少加之和飯則毒烈但不仁者所為取



馬兜鈴

都淋藤 土青木香根 雲南根 根名 獨行根 同

本綱馬兜鈴諸州郡皆有之春生苗作蔓繞樹而生葉如山黃葉而厚大背白六月開黃紫花頗類枸杞花七月結實如大棗狀似鈴作四五瓣葉脫時其實尚垂狀如馬頂之鈴故名之其根微有香氣似木香大如小指赤黃色故

呼為土青木香辛苦冷嶺南人用其根治蠱毒隱其名為三百兩銀藥

實微苦 辛寒入手太陰經清肺熱治咳嗽痰結喘促去革膜 焙用又能治一切心痛不拘大小男女大馬兜鈴一箇燈上燒存性為末溫酒服立效

△按青木香重出下用之雜偽於木香又倭無馬兜鈴而蘿藤根似之故亦偽為青木香



蘿藤

蘿藤 實名雀瓢所 合子羊婆奶 婆婆鐵線包

本綱蘿藤三月生苗蔓延離垣極易繁衍其根白軟其葉長而後大前尖根與莖葉斷之皆有白乳如構汁六七月

開小長花如鈴狀紫白色結實長二三寸大如馬兜鈴一頭尖其殼青軟中有白絨及漿霜后枯裂則子飛其子輕薄亦如兜鈴子商人取其絨作坐褥代綿甚輕詩云芄蘭之支童子佩觿物實尖垂于支間似之芄蘭之葉童子佩後音步張弓指彊也此葉子葉微主治虛勞補益精氣強陰道擣子傳金瘡生層止血搗葉傳腫毒取汁傳丹毒及蛇蟲毒

一種莖葉及花皆似蘿摩但氣臭根紫結子圓大如豆生青熟赤為異此乃藤生女青也與蛇銜根之女青名同物異宜互效之

△按蘿摩志云加莖有白汁名羊婆奶與沙參同名又有倭沙參則名攷亦蘿摩之類也山草類詳今或取蘿摩根偽為青木香青木香是然此根未詳治何病其葉似旋花葉而畧大結實本大末窄青色內白有白絨如絲瓜絲子如柘榴子而小白味射白絨枯葉狀似班荑花



象豆 榼藤子 合子

榼藤子

本綱榼藤子生廣南山林間作藤着樹如通草藤其實三羊方熟肉如子袋子若雞卵其外紫黑色微尖大一二寸圓而扁人多剔去肉其殼用作藥瓢垂于腰間貯丹藥經年不壞

仁平治諸藥毒五痔下血小兒脫肛血痢燒灰存性米飲服之



聖知子 盍合子 仙沼

預知子

本綱預知子諸州皆有之蔓生依大木上葉綠有三肉面
 深背淺七八月有實作房生青熟深紅色每房有子五七
 枚如皂莢子斑褐色光潤如飛蛾今蜀人極貴重之亦難
 得相傳取子二枚綴衣領上遇有蠱毒則聞其有聲當預
 知之故以名之
 氣味苦寒 治諸毒殺蟲 研去皮治一切風補五勞七傷消
 宿食利小便催生治一切病 每日吞二七粒不其功不
 可備述




黑丑 白丑
 牽牛子 草金鈴
 狗耳草
 和名阿佐加保

本綱此藥初出田野人牽牛謝藥故名之處處處有之二月

種子三月生苗作藤蔓繞籬牆高者或二三丈七月生花
 其花不作瓣如鼓子花而大但微赤帶碧色日出開日西
 萎八月結實外有白皮裹作毬每毬內有子四五枚大如
 蕎麥有三稜有黑白二種
 黑者 尤多蔓有白毛斷之有白汁葉有三尖如楓葉
 白者 多種之其蔓微紅無毛有柔刺斷之有濃汁葉團
 有斜尖其花小干黑牽牛花淺碧帶紅色
 子苦寒發 利大小便除虛腫落胎乃瀉氣之藥也不脹
 滿不大便秘者不可輕用 未去皮或只用半生半
 熟用
 △按牽牛花寅卯辰三時為盛向日光則萎再不開而余
 嘗開花乃一莖數十花逐日開不經旬皆結實其花有
 深碧淺碧純白淺紅色四種而紅者希也
 一種有小牽牛花高三四寸未延蔓不倚架二葉而開花

故名二葉牽牛花亦小美也蓋此生瘠地不能長者也
 復種其子乃如之
 有朝顏晝顏夕顏之三品朝顏牽牛花也晝顏旋花也夕顏朝顏之花
 皆以其花盛時稱之



旋花

鼓子花 旋葛
 花腸草 筋根
 天劍草 美州
 續筋根

本綱旋花生于田野甚多難鋤艾治之又生其根寸截置
 土灌溉涉旬苗生逐節蔓延葉如波菜葉而小至秋開
 花如白牽牛之花而粉紅色不作瓣狀如軍中所吹鼓子故
 名之不結子其根白色大如筋
 一種千葉者色似粉紅牡丹謂纏枝牡丹

莖葉花根

微甘滑

益氣利小便久服續筋骨合金瘡

凡藤蔓之屬象人之筋所以多治筋病旋花根細如筋
 △按旋花盛于日午而且暮萎故俗對以牽牛花稱朝顏
 此名晝顏加此保留



纏枝牡丹

えんじ牡丹

本綱纏枝牡丹即旋花之一種千葉而色粉紅似牡丹
 草本花詩譜云纏枝牡丹柔枝倚附而生花有牡丹態度
 甚小纏縛小屏而開爛然亦有雅趣
 △按纏枝牡丹未見如此者有鐵線花者形狀稱似而花
 葉大異也



鐵線花

ろせん

本名未詳

△按鐵線花二月苗生於宿根一柢三葉微似芍藥秧而小莖細韌甚勁故俗曰鐵線無蔓其葉乃倚架繁行四月開花莖下有六葉抱莖亦一異也其花白色六瓣平開而葉圓紫色最艷美其葉綻則似緜天蠶絲為總其本有子採之八月種之

千葉鐵線 外六瓣白色如常而內瓣亦白色千葉短細隨開葉青色外瓣既綻落則內葉開



風車草

ふうぐるま

本名未詳

小兒所詭之風車似此花形故名

△按風車草者鐵線草之類而葉不同花亦鐵線六瓣是乃八瓣也葉大於鐵線而無叉一枝三葉四五月開花單葉蒼碧色又有白花者有千葉者花綻葉亂形與鐵線之總同凡鐵線出葉於葉枝風車出葉於舊枝



紫葳

しうき

陵君

陵時 女葳

芙蓉 武威

瞿陵 鬼自

ツウライ

和名未加夜木
云農世字

本綱陵若多生山中人家園圃亦或栽之初蔓纏數尺得
 木而上即高數丈年久者藤大如杯春初生枝一枝數葉
 尖長有齒深青色自夏至秋開花一枝十餘朵大如牽牛
 花而頭開五瓣赭黃色有細點詩云有若之秋深更赤八
 月結莢如豆莢長三寸許其子輕薄如榆仁馬兜鈴仁其
 根長亦如兜鈴根狀其花不可近鼻聞傷腦花上露入目
 令人昏矇

花根甘酸莖葉帶手足厥陰經藥行血分能去血中伏

△按陵若乃宇世年延蔓于高樹生故民間辨火故治產乳崩漏諸疾及血熱生風之證也



牆藤

蔓ノバ 薔薇 山棘
 牛勒 刺花
 牛棘
訓無波良 又呼字音 實名營實

本綱牆藤野生林藪間春抽嫩莢小兒搗去皮刺食之既
 長則成叢似蔓而莖硬多刺小葉尖薄有細齒牛喜食之
 四五月開花四出黃心有白色粉紅二者以白花者為良
 結子成簇而生如營星然故謂之營實和名無波 生青熟
 紅其核有白毛如金櫻子核人家栽玩者莖粗葉大延長
 數丈花亦厚大有白黃紅紫數色百葉八出六出者
 營實溫酸 根結 能入陽明經除風熱濕熱生肌殺蟲

○小便失禁尿床者用薔薇根煮汁飲或為末酒服野生

○口舌糜爛者用薔薇根煮濃汁溫含冷則吐冬用根皮 夏用枝葉

南畝有薔薇露云是此花之露水香馥異常

△按嫩莢之莢字當作蕪胡貢 草菜心長也

宝相花

佛見笑

びんせう



本綱薔薇之花最大者名佛見笑其小者名木香皆香艷
可以入不入藥用

書譜云寶相花其花較薔薇大而瓣塞心有紅粉色
二種較字當
作輒字

△按佛見笑俗名牡丹淡其實相花亦一物二名矣正月
前稍枝并於陰處濕地則能活生最棘多而花艷美以
譬之女人華嚴經云外面似菩薩內心如夜叉蓋佛見
笑之名擬此矣凡有棘刺之草通稱無波良俗用茨字
茨音慈蒺
藜之别名

こやとま 俗云古也平峻

茶藤花



畫譜云其花大紫色白而香千瓣枝梗多刺詩云開到茶
藤花事盡為當春盡時開耳外有密色一種

△按茶藤花導成八段所言亦同今名古夜乎峻者是乎
其花白單瓣狀似花石榴之花

ちりもん 月月紅勝春

月季花

ユツリイ パア

圖雪紅瘦客
俗云長春
勝春之訛



本綱月季花人家多栽挿之亦薔薇類也青莖長蔓硬刺

葉小於薔薇而花深紅千葉厚瓣逐月開放不結子
氣味甘溫 活血消腫治癰癤未破者

月季花頭 二錢 沉香 五錢 芫花 炒三錢 各碎剉入大鯽
魚腹中就以魚腸封固酒水各一盞 煮熟食之即愈魚
頭安養水內遊死者方効 治此是家傳方
按月季花堪被之類挿之能活有單葉千葉大小數品



玫瑰花

俗云波末奈須

盡譜云色黃花稍小於紫玫瑰種紫玫瑰多不久者用入
藥燒之即斃種以分根則茂本肥多悴黃亦如之紫者乾
可作囊以糖霜同搗收藏謂之玫瑰醬各用俱可
△按玫瑰花薔薇之屬棘刺多四月開花單瓣有白有紫

並花最大又有赤紫而千瓣者其花稍小有香氣但黃
花者未見之

繅絲花

俗云 阿蘭陀棘



盡譜云繅絲花儼如玫瑰而色淺紫無香枝生刺針時至
煮繭花盡開放亦以根分

棣棠花

地棠花 御帶花 也末不木 金如喜水 單山吹



導生入殿及草本花詩譜云棣棠花若金黃一葉一莖生

和漢三才圖會

蔓草

卷九十六

十一

甚延蔓春深與薔薇同開可助一色單葉者名金碗喜水
 秘傳花鏡云椽棠花藤本叢生葉如茶葉多尖而小邊如
 鋸齒三月開花金黃色圓若小球一葉一蕊但繁而不香
 其枝比薔薇更弱心延蔓屏樹間與薔薇同架可助一色
 春分剪嫩枝於肥地則活其本妙在不生蟲瘳
 △椽棠花其葉似櫻桃葉而長尖四月開花千瓣深黃
 單葉者花大其色艷如山吹之黃金故名又有單葉白
 花者不美橘諸兄公愛之山別并手里宅地多植之公
 任鄉朗詠集用款冬字者誤也款冬即山落也訓也未布个木
 花陰乾能止血ラホホ



果羸 瓜蔓
 天瓜 黃瓜
 地樓 澤茹
 枯樓仁
和石加良須
 字里
 此倭名非也
 比左古字里

本綱枯樓仁三四月生苗引藤蔓葉如緋瓜葉而窄作叉
 有細毛七月開花似壺蘆花淺黃色結實在花下大如拳
 生青而如瓜至九月熟赤黃色而如熟柿山家小兒亦食
 其形有正圓者有銳而長者內有扁子大如絲瓜子殼色
 褐仁色綠多脂作青氣炒乾搗爛水熬取油可點燈其根
 直下生羊久者長數尺皮黃肉白作粉潔白如雪故謂之
 天花粉秋後掘者有粉
 夏月掘者無粉一名白藥又名瑞雪
 枯樓仁甘寒潤肺燥能降上焦之火使痰氣下降治嗽
 之要藥也且又能洗滌胸膈中垢膩鬱熱為治消渴之
 神藥
 枯樓根甘微苦
 酸微寒即天花粉治虛熱解煩渴能生津心中
 枯固者非此不能除消腫毒乳癰瘡癤箭鏃或針刺入
 肉不出枯樓根搗
 傳之自出乳汁不下枯樓根燒存性研末服
 方寸匕或以酒水煎服
 △椽枯樓出於紀州者良豫州藝州並次之



王瓜

かすうて老鴉瓜。土瓜
馬胞瓜。鉤蕪
赤雹子。野胡瓜
師姑草。八公公鬚
和名加良須
宇里

本綱王瓜生垣墻間三月生苗其蔓多鬚嫩時可茹葉圓如馬蹄而有尖面青背淡澁而不光六七月開五出小黃花成簇結子累累熟時有紅黃二色皮亦粗澁其殼徑寸長二寸許上微圓下尖長七八月熟殼中子如螳螂頭其根如枯樓根之小者澄粉甚白臍須深掘二三尺乃得正根作蔬食味如山藥月令云四月王瓜生即此也熟則鴉喜食之故名老鴉瓜
根若寒有小毒 治消渴癆血月閉帶下乳汁不下止小便數不禁又能利大小便
小便不通者王瓜根搗汁入少水解之筒吹入下部木

便不通者吹入肛門內

黃祖變黑醫所不能治用王瓜根汁平且溫服一小升午刻黃水當從小便出不出再服

△按王瓜葉似枯樓葉但無又缺有毛刺其實殼中子如玉章後書翰卷對人誤以為此與枯樓一物和名亦相混者非也蓋枯樓此佐古王瓜即老鴉瓜加良須和名自明也



葛

割音 黃斤 雞齋 鹿藿
鹿食九草此其一也故名鹿藿
和名久須
加良須

本綱葛有野生有家種其蔓延長一二丈紫色取治可作絺綌其葉有三尖如楸葉而小面青背淡七月着花其花成穗纍纍相綴紅紫色其莢如小黃豆莢亦有毛其子綠

色扁扁如鹽梅子核生嚼腥氣其根外紫內白長者七八尺者頸也服之令人吐有微毒故以入土深者為佳今人多作粉食冬月取生葛搗爛入水中揉出粉澄成塊入沸湯中良久色如膠其體甚韌以蜜拌食同堅柔難斷葛根味甘辛平氣輕而上行浮而微降陽中陰也其用有四止渴一解酒二發散表邪三發瘡疹難出四陽明經藥兼入脾經治傷寒有葛根湯以其主大熱解故也若太陽初病未入陽明而頭痛者不可便服升麻葛根發之是反引邪氣入陽明為引賊破家

凡癰疽已見紅點不可用升麻葛根湯恐表虛反增毒也

中諸藥毒發狂煩悶吐下欲死者葛根煮汁服佳

葛花甘平消酒同小豆花乾末酒服飲酒不醉也

△按葛蔓長者二三丈其葉韌薄微似于楮葉而面青背白至風則能翻恰如反掌婆娑而作聲故稱歌人葛葉

裏見醫人根其蔓青黑色有微毛強韌不可截斷本草綱目謂紫色者乃枯舊色也以堪縛器物

葛根出於和州金剛山者良丹波次之葛粉吉野瀑葛為最上西國亦多有之春月取根搗爛漬水一宿以白漚為上其次灰白色者俗布野人充食渣如絲瓜皮以代薪凡此物葉及蔓至根其用居多為民利用



黃環

パレンギ

凌泉 大就
就葛 生芻
根韭
實名狼跋子
又名度殼

本綱黃環亦葛之類生山谷二月生苗正赤高二尺作藤生葉黃而圓端大經日葉有汁黃白其花紫色其子名狼跋子跋乃狼足此莢角亦似皂莢其根名黃環黃色從理如車輻解

氣味苦寒有小毒

治鬼魅百邪痰嗽利小便消水腫



天門冬

萬歲藤

顛棘 天棘

顛勒

テニメントン

和名須未呂久佐

本綱天門冬春生藤蔓大如釵股高至丈餘葉如茴香極尖細而疎滑有逆刺亦有澀而無刺者其葉如絲杉而細散夏生細白花又有黃色及紫色者秋結黑子在其根枝旁入伏後無花暗結子其根白或黃紫色大如手指圓實而長二三寸一科一二十枚同撮頗與百部根相類雖膠乾猶脂潤難搗必須曝於日中或火烘之氣味苦甘入手太陽足少陰經氣分藥也潤五臟補五勞七傷吐血治嗽消痰益滋腎全其母氣故清痰殊功

○生地黃為天門冬之使地黃為交門冬之使快為人參貝母者

之使若有君無使是獨行無功也

服天門冬禁食鯉魚

誤食中毒者并汁解之

△按天門冬出於豫州宇和島者佳藝州廣島者次之今漬沙糖食之故可有與鯉合食不可不知



百部

野夫門冬

波掃草

和名保止豆良

本朝古者有之而今則無之

ホウブ

本綱百部是天門冬之類春生苗作藤蔓葉大而尖長頗似竹葉面青而光

一種有細葉如茴香者其莖青肥嫩時可煮食其根近尺新時肥實但乾則虛瘦無脂潤根下一撮十五六枚黃白色其多者百十連屬如部伍故以名之

百部根温其微 天門冬之類故治肺病殺蟲如百蟲入耳

和漢三才圖會

蔓草

卷九十六

炒香皆忌鐵器煉蜜丸空心酒服一百丸

△按何首烏狀如小瓜有五路紋而有三四相連者今所渡者多切片正黑不能辨其赤白此用黑豆蒸製者矣倭稱何首烏者黃獨而非何首烏其黃獨出柔根髭多其子如零餘子而畧大然則根葉子形狀甚異入藥宜用唐何首烏也本草彙言曰何首烏固精斂氣截癰止痢之藥也延年種子之說屬荒唐屢有服此而後至死而人不識此藥之毒也蓋此言亦徧也何首烏乃薯蕷之屬本有毒類然深山自然生歷數年雌雄夜交蔓者謂有奇効則不擇雌雄老嫩而何有秋况黃獨乎



革薺

和名土古呂
野老 漢語抄用此二字
茗 延喜式用之恐此和字矣

赤節 百枝

竹木白菝蕒

本綱草薺處處皆有之作蔓生苗葉俱青葉作三叉似山薯又似綠豆葉花有黃紅白數種亦有無花結白子者根黃白色多節三指許大又有根亦如山薯而體硬其苗引蔓葉似蕎麥子三枝者

根苦平 足陽明厥陰經藥也 厥陰主筋屬風 革薺之功長于去風濕所以能治緩弱痺痺遺濁惡瘡諸病之屬風濕者革薺菝蕒土茯苓三物形雖不同而主治之功不相遠 薺 菝蕒 土茯苓 菝蕒 土茯苓 菝蕒 土茯苓


△按革薺蔓葉頗似薯蕷開小白花結青子三枝其根類老薑薯蕷之狀最肥者如甘藷而黃色有節多長鬚俗以為野老以蝦為海老共充嘉祝之食品出於武陽者肥大肉柔味苦甘相半煮之食甚佳也山中自然生者肉瘠味甚苦呼曰鬼野老豫州今治藝州廣島多出革薺可藥入用

○草薺黃獨佛掌薯薯蕷之蔓葉相似難辨各圖于左


草薺



黃獨
訛云何首烏



佛掌薯



薯蕷



唐何首烏亦似

△按草薺葉小黃獨葉大相似而色淺潤橫文理鮮明
佛掌薯葉圓薯蕷葉長共色稍深不潤橫文理幽微
薯蕷無橫文附采之處深入背



菝葜

俗云惠比豆伊波良
又云五郎四郎

菝葜 金剛根
玉瓜草 鐵菱肉

本綱菝葜山野中甚多其莖似蔓而堅強植生有刺其葉
團大狀如馬蹄光澤似柿葉秋開黃花結紅子其根甚硬
有硬鬚如刺其葉煎飲酸渣或采其根葉入漆家用
根甘酸溫性足厥陰少陰藥治腰背寒痛風痺與草薺
彷彿又治時疾瘟瘴故元且所飲辟邪屠蘇酒中亦用
△按菝葜和河二州山中多出之俗以為倭山飯來西國
野人用葉包麥餅即四郎贈酬之故名五郎四郎柴



土茯苓

仙遺糧 刺猪苓
冷飯團 土草薺
硬飯 草禹餘糧
山猪糞 山地栗
俗云山歸來
又云加天草

本綱土茯苓生山谷蔓生如蕈莖有細點其葉不對狀頗
類大竹葉而質厚滑如瑞香葉而長五六寸其根狀如菝
葜而圓其大若雞鴨子連綴而生遠者離尺許近或數寸


本草綱目卷之九 薯蕷 土茯苓

其肉軟可生啖有赤白二種入藥用白者良昔人不知用此近時弘治正德間大明因楊梅瘡盛行故又名廣東人始率用輕粉藥取劫毒留筋骨潰爛終身後人用此遂為要藥諸醫無從考證苓相混其根苗迥然不同也蓋此亦草薺後莢之類也

根甘淡食之當穀不飢調中健行不睡健脾胃強筋骨去風濕止泄瀉治拘攣骨痛惡瘡解汞粉毒及鐵毒△按土茯苓阿媽港之產為最上皮薄外色淺赤內白如米粉然近半絕不來今以廣東者為上交趾東京並次之太寃為下但色白柔輕虛者良色赤堅重實者不可

凡楊梅瘡盛流行也於今凡不過二百年市中好淫人交濁陰彼此傳染然焉古者罕識其治療而肢體拘攣終至眼鼻腐爛故如有患之者則不同器中其重者或棄於山野近來多服土茯苓用使病人自山歸來實良藥也其方有數品總名歸建方中得效驗者以為家秘凡

土茯苓為君若治木通杜仲黃連蒼朮歸之輩為佐但服之有時瘡既出盡結痂將愈時宜用之永免癰疽之患如瘡未出盡時不可服之服藥間忌浴湯及改日凡瘡小如麻疹者一二箇月而結痂謂之四十日物稍重者曰八十日物瘡平圓如炙瘡緣隆或堆大如楊梅者即楊梅瘡唐俗云瘡瘡不經半年不如其間無雜病者必不服藥最忌補藥恐令瘡毒補住如年久餘毒留滯一處腐爛或為疔者宜用五寶丹方出萬病回春



白藜

白草 白根 兔核 崑崙 貓兒卵

本綱白藜二月生苗多在林中作蔓赤莖枝端有五葉其葉如小桑五月開花七月結實根如雞鴨卵而長三五枚

和名夜未加々美

同一窠皮黑肉白惟治瘡方多用之故名白斂
 一種赤斂花實功用皆同但表裏俱赤爾
 白斂根苦平治癰疽發背瘰癧痔漏血痢刀箭瘡生肌
 止痛生取根搗傳癰腫有效
 △按白斂本朝古者有之今則無焉長而色白輕者為良
 本草用斂字疑此傳寫誤矣斂音酣斂音廉
 欲也斂音廉收也

赭魁

和名乃止木

既有倭名則本朝古者有之乎

本綱赭魁蔓生草木上葉似杜衡根膚黑肌赤形如魁
 又似何首烏切破中有赤理如檳榔有汁赤如赭味甘治
 心腹積聚閩人用入染青甌中云易上色或以染皮製靴



鵝抱

俗云末女京

ガウ、ハウ



本綱鵝抱生山林中附石而生作蔓似大豆其根形似菜
 蕈大者如三升器小者如拳二八月采根切片陰乾
 氣味苦寒治風熱上壅咽喉腫痛
 △按鵝抱葉圓扁徑三分許裁之鹽鉢石傍則延蔓一面
 蔽石如撒敷青豆其根最細小所謂如菜蕈者未見

九仙子

仙女嬌

キリスエニツウ



本綱九仙子出均州大和山二月生苗蔓高六七尺莖細而光葉如烏柏葉而短扁不圓每葉極生子枝或一或二身最下五六七月開碎青黃色花隨即結實碎子叢簇如穀精草子狀其根連綴九枚大者如雞子小者如半夏白色

氣味苦涼

治咽痛喉痺散血
以新汲水或醋磨汁含嚙甚良

こうやくし 大苦木藥子

赤藥紅藥子

黃藥子

ハシヨツ

本綱黃藥子原出嶺南今處處栽之以忠州萬州者為勝莖高二三尺柔而有節節有枝相當似藤非藤葉大如拳長三寸許其根長者尺許大者圍二三寸外褐內黃亦有



黃赤色者肉色頗似羊蹄根人皆擣其根入漆藍甌中云易變色也

黃藥子根 苦平 涼血降火消癭凡吐衄不止者水煎服或與蒲黃等分為末掌中敲之 又治馬心 肺熱疾

さんづん 解毒 黃結


中藥

山豆根

サシエウケ

本綱山豆根以忠州萬州產為佳苗蔓如大豆葉青經冬不凋此物能解諸藥毒生廣南者如小槐高尺餘石鼠食其根故嶺南人捕其鼠取腸胃曝乾解毒
根極苦言 解咽喉腫毒妙





解毒子

地木容
苦藥子

キヤイトツツ

本綱解毒子戎州忠州出之蔓生葉青如杏葉而大厚硬
凌冬不凋無花實根黃白色外皮微粗褐纍纍相連圓大
根若大解蠱毒止蠱毒止煩熱碎瘡癩利喉閉及痰毒
治五臟邪氣清肺

藥實根

藥子 奴那疎樹子

本綱生通州渝州樹也葉似杏花紅白色子肉味酸去皮
中仁辛平 研服治破血止痢消腫能療諸病然本草本經
誤載根字
△按解毒子用根得子名藥實根用子仁得根名

白藥子

又別有
陳家白藥
甘家白藥
會列白藥
突厥白藥
其功畧同



本綱白藥子出於原州三月生苗葉似苦苣四月抽赤莖
長似壺盧蔓六月開白花八月結子亦名瓜蔓九月葉落
枝折采根用根皮黃色今嶺南江西亦有之江西出者葉
似烏拍子如綠豆至六月變成赤色治馬熱方用之
根辛温 止吐衄血消痰止咳解毒治疔眼傳折傷金瘡



威靈仙

宇豆保久佐
布那波良
右二和名古名
而非也

根 本草必讀

三才圖會

ライリンセン

本綱威靈仙其生先于衆草方莖如銀股數葉相對初生
 作蔓七月生花六出淺紫或碧白色作穗似蒲臺子亦有
 似菊花頭者實青色根稠密多鬚似穀每羊朽敗每羊旁
 引羊深轉茂一根叢鬚數百條長者二尺許初時黃黑色
 乾則深黑

別有數種根鬚一樣但色或黃或白皆不可用
 根微温 治痛風之要藥也在上下者皆宜服之其性好
 走亦可橫行通十二經脉去衆風朝服暮效效類
 商州有人病手足不遂不履地者數十年莫能療親屬
 置之道旁以求救者遇一新羅僧見之告曰此疾一藥
 可治但不知此土有否因爲之入山求索果得乃威靈
 仙也使服之數日能步履其後山人知之遂傳其事性
 大抵疎利人服恐損真以性猛日威以切神曰靈仙
 氣氣弱者不可服之
 △按威靈仙蓋草九藝州豫州丹波及金剛山多出之初
 生似蔓後立莖高二三尺莖細圓而如莞葉似虎尾草

而六七葉對生頗如車輪最長者九段許故名六月開
 木花人家栽者四月開花形亦似虎尾草及葶草花而作
 穗碧色結實如雞冠實其根多鬚如芥根乾則黑色是
 能合干土說唯所謂莖所圖花穗少異耳
 或採藥人用徐長卿根充威靈仙可辨徐長卿根白色如
細辛詳見干山草



茜草

スエーデン

- 菴藎 風車草
- 茹蘆 血見愁
- 地血 過山龍
- 茅蒐 滌緹草
- 牛蔓 和名阿加補

本綱茜有東方而少不如西方多故爲西說文所謂人血
 所化之說恐亦俗傳耳詩云茹蘆在阪者是也生山谷今
 圃人亦作畦種蒔十二月生苗蔓延數尺方莖中空有筋
 外有細刺數寸一節每節五葉葉如烏藥葉而糙澀面青
 背綠七八月開花結實如小椒大中有細子根紫赤色北

即今漆絲者也

氣味微酸而帶鹹溫手足厥陰血分之藥專于行血活血女子

經水不通以一兩煎酒服之一日即通甚効鐵氣

今按茜赤根也河州石川郡山田茜為上可以漆絲近世

用獲方木代茜

此防已

解離 石解

條防已

防已

和名阿手加 豆良



パンキイ

本細防已莖如葛蔓延其根外白內黃如桔梗內有黑紋如車輻解者良但漢中出者破之文作車輻解黃實而香莖梗甚嫩苗葉小類牽牛折其莖一頭吹之氣從中貫如木通然他處者青白虛軟又有腥氣皮皺上有下疳子名木防已提此因所出辦一曰漢木二防已即是根苗為名

治風用木防已治水用漢防已

蒙筮云漢防已即根破之紋作車輻解黃實馨香木防已即苗皮皺上有下疳子青白虛軟不差不訛

氣味溫若辛療風水要藥利大小使能瀉血中濕熱通其

滯塞大抵上焦濕熱者皆不可用下焦濕熱流入十二經致二陰不通者然後審而用之

△按防已有漢木二品而今自中華所渡者皆長六七寸

切大者徑寸許黃色帶赤破之文作車輻解而甚香所謂漢防已也而別木防已者不來

倭之產長七八寸切大小如木通莖而青白色皮皺不香所謂木防已是也二物共苗莖而非根也明焉今藥肆以唐為漢防已以倭唯稱防已藝州廣島為上丹波之產短細為下蓋本草必讀所圖之瓜防已者未勘




木通

通草 萬年藤
附支 丁翁
子名 燕覆

本綱木通藤生蔓大如指其莖幹大者徑三寸一技五葉頗類石韋又似芍藥二葉相對夏秋開紫花亦有白花者結實如小木瓜食之甘美其枝謂之木通莖有細孔兩頭皆通含一頭吹之則氣出彼頭者良紫者皮厚味辛白者皮薄味淡木通甘淡 手厥陰經包手足太陽勝腸之藥上能通心清肺治頭痛利九竅下能泄濕熱利小便通大腸治遍身拘痛利其小便也與琥珀同功無他藥可比者凡氣味與之類者茯苓澤瀉灯草猪苓琥珀瞿麥車前子之類皆可以滲濕利小便泄其滯氣也
△按木通自華所渡者有香氣佳倭之產出於丹波者良

藝苑者次之



通脫木

通草 活菴
離南

本綱通脫木蔓生山側莖大者圍數寸高丈許大葉似荷而肥其莖空心中有瓢輕白可愛女人取以飾物今園圃亦有種種者或作蜜煎充果食之甘美氣味甘淡入太陰肺經引熱下降而利小便與燈心草同功入陽明胃經通氣上達而下乳汁催生
△按通脫木者木通之屬而大者如燈心草莖中有白瓢本朝未曾有之蔓草也

本草綱目卷之六

通草

卷之六

通草



釣藤

テロウテン

あちりりり

甲藤

俗云布知止里 波利

本細釣藤處處山中皆有之藤長八九尺或一二丈大如
 梅指其中空狀如葡萄藤長其莖間有刺若鈎鈎紫色療
 小兒不入餘方也以莖中空小人用致酒壺中盜取酒以
 氣吸之涓涓不斷
 氣味初微甘 後微苦 古方多用皮后世多用鈎取其力銳爾于
 足厥陰藥足厥陰主風 小兒驚癇眩暈皆肝風相火之
 病鈎藤通心包平肝木風靜火息則諸證自除
 一種有倒掛藤 生深山有逆刺如懸鈎倒掛于樹葉尖
 而長治產後諸疾結痛血上欲死煮汁服之
 △按鈎藤出於豐州中津者良藝州廣島者次之



雪下紅

草本花詩譜云其藤生子類珠大若芡實色紅如日
 下垂積雪盈影似更有致故名雪下紅




白英

本綱白英蔓生正月生苗白色可食秋開小白花葉似玉
 瓜小長而五極子圓如龍葵子生青熟紫赤色
 根苗甘寒 補中益氣治消渴黃疸

穀菜 白草
 白幕 排風
 子名鬼目
 和名保苗月之
 一云豆又美乃伊比孫
 今云鶴上戸

子 酸平 明目

△按白英葉似菊葉而柔大深叉七月開小白花五瓣抱子翻外有飛鳥之狀其子赤熟時鴨喜啄之故俗曰鴨上戶亦鸚鵡嗜之故曰鸚鵡然鸚鵡不如嗜蟻蚱



赤地利

赤薺 五葳 五毒草 蛇肉 山蒼同麥 以之美加波 又云牛朱

本綱赤地利所在皆有春夏生苗作蔓繞草木上莖赤葉青似蕎麥葉七月開白花亦似蕎麥結實青色根若菝葜皮紫赤肉黃赤八月采根根苦平 治赤白痢赤白帶下癰疽惡瘡生肌肉

△按赤地利作蔓莖赤葉青似蕎麥根長別貫莖小圓葉如輪夏開小白花結一子於小葉中熟碧色莖及

葉背筋有細刺其根如桔梗薺尾之輩所謂如菝葜根者與此異春倭方用赤地利蔓葉為折傷金瘡要藥此與薺蓬同功如膠故名石膠美加波者仁如波乃訛也一種有田蕎麥又云溝薺莖其葉畧似赤地利故以之偽

紫葛



和名衣比加豆良 蒲萄亦和名同

本綱紫葛生山谷中春生冬枯苗似葡萄長丈許根皮肉俱紫色其根大者徑二三寸但有二種此是藤生者根皮甘苦 治癰腫惡瘡搗末醋和封之金瘡傷損生肌散血紫葛二兩水三盞煎一盞半分三服酒煎亦妙△按紫葛葉似蒲萄而不結子又一種有野蒲萄者出于瓜果類下

本草綱目卷之六 藤葛 紫葛



猪殃殃

葎

葎草

勒草 葛勒蔓 來莓草

和名毛久良 俗云無久良 毛與無通

本綱葎生故墟道旁二月生苗莖有細刺葉對節生一葉五尖微似蓖麻而有細齒八九月開細紫花成簇結子狀如黃麻子夏米莖葉曝乾用

氣味甘苦 主瘀血 止精益氣利小便治五淋治久痢成疔入肛門中

猪殃殃

救荒本草云猪殃殃生山野道傍猪食之則病故名之人春時采莖葉煮熟食之

△按編無久良者多而葎草少有之猪殃殃多又有葎草

生水溝傍 見于濕草部




羊桃

鬼桃 羊腸 長楚 鉞芟 細子

倭名伊良々葎

本綱羊桃生山林及田野莖大如指似樹而弱如蔓春長嫩條柔軟葉大如掌上綠下白有毛狀似苧麻而圓其條浸水有涎滑花紫赤色似桃花子細如棗核其根似牡丹近下根刀切其皮着熱灰中脫之可韜筆管其子苦不堪食詩云隰有萋楚者卽是也 莖根苦寒 利小便 又煮汁洗風痒及諸瘡腫極効



烏薺莓

拔音五葉莓
龍草 龍葛
赤葛 五瓜龍
赤發藤
俗云一豆大

木細烏薺堆整間多其藤柔而有稜一枝一鬚凡五葉葉長而光有疎齒面青背淡如白薺葉故多烏薺七八月結苞成簇青白色花大如粟莢色四出結實大如龍葵子生青熟紫內有細子其根白色大者如指長一二尺擣之多涎滑氣味酸苦寒治癰瘡及蟲咬擣根傳之



絡石


ロツシツ

石薺 懸石
耐冬 雲花
雲丹 雲英
石血 雲珠
石龍藤

本細絡石生陰濕處冬夏常青其蔓折之有白汁其莖蔓延透樹石側莖節着處即生根鬚包絡石旁其葉小干指頭厚實木強回青背淡濇而不光有尖葉圓葉二種若在石間者葉細厚而圓短透樹生者葉大而薄人家亦種之為飾

莖葉甘微酸神農列之上品治筋骨關節風熱癰腫不老延年通神又刀斧傷瘡傳之立瘥杜仲牡丹為之今醫家鮮知用者豈以其近賤而忽之耶

△按絡石和石豆太俗云定家葛相傳黃門定家卿之古墳石生因名之葉似藪柑葉而無刻齒無花實又蔓白汁無



木蓮

モツレ

薜荔木饅頭
鬼饅頭

本綱木蓮延樹木垣牆而生四時不凋厚葉堅強大如干絡石不花而實其實大如盃微似蓮蓬而稍長正如無花果之生者六七月實內空而紅八月後則滿腹細子大如稗子一子一鬚其味微澆其殼虛輕烏鳥童兒皆食之

葉酸平 治背癰乾未服之即愈又治血淋痛澆

子甘澆 下乳止血治腸風下血治一切癰疽初起不問發於何處用木蓮四十九個指去毛研細酒

△發於何處解開温服功與忍冬草相上下



地錦

別石草類有地錦草與此不同

本綱地錦生林下葉如鴨掌藤蔓着地節處有根亦緣樹石冬月不死

氣味甘温 治產後血結及赤白帶下或有塊不能飲食

者並煎服



常春藤

龍鱗薜荔 土鼓藤

本綱常春藤生林薄間作蔓繞草木上其葉頭尖結實正圓熟時如珠碧色小兒取其藤於地打作鼓聲故名土鼓


莖葉苦子甘温 癰疽初起取莖葉下握研汁和酒服利下惡物去其根本



千歲菓

俗云甜柿

本綱千歲菓蔓延木上葉如葡萄而小四月摘其莖汁白而味甘五月開花七月結實八月采子青黑微赤冬惟凋葉春夏間取汁用
 葉甘平 補五臟益氣續筋骨長肌肉久服不飢通神明
 △按千歲菓代茶煮吃味甚甘故俗名甜茶如小兒多吃則發蟲
 一種樹生之甘茶葉似萩而深綠色似茶而嫩味甚甘出於山州宇治由原



本綱忍冬附樹延蔓莖微紫色對節生葉葉似薛荔而青

忍冬

忍冬
 シトシ


金銀藤老翁鬚
 鴛鴦藤 鷺鷥藤
 左纏藤 通靈草
 金釵股 蜜桶藤
 和名須比加豆良

有濇毛三四月開花長寸許一蒂兩花二瓣一大一小如半邊狀長葉花初開者葉瓣俱色白經二三日則色變黃新舊相參黃白相映故呼金銀藤氣甚芬芳其藤左纏凌冬不凋故有忍冬左纏等之名今以莖葉為忍冬以花為金銀花
 忍冬甘小寒 煮汁釀酒飲補虛療風益壽可常采服而仙經少用凡易得之草人多不肯為之更求難得者貴遠賤近庸人之情也昔人稱其治風除脹解瀉為要藥而後世不復知用後世稱其消腫散毒治瘡為要藥而昔人並未言及乃知古今之理萬變不同未可一轍論也
 莖葉及花 功用皆同

忍冬酒

用葉入沙盆研爛入生餅酒少許稀稠得所塗于四圍中留一口洩氣其藤只用五兩木槌槌損犯鐵太甘草節生用一兩同入沙瓶內以水二盞文武火慢煎至一

益入無灰酒一大盞再煎十數沸去滓分為三服一日
 一夜喫盡病勢重者一至大小腸通利則藥力到能治
 癰疽發背背或不問發在何處發有發頤或頭或項或服之
 俟其疽破仍以神異膏貼之其効甚妙
 △按忍冬處處皆有之攝州之產良其忍冬酒紀州弱山
 源一昂太夫之製得名但欲為藥用者若本草製而可
 矣



玉蔓

たすくろく

△按玉蔓其蔓引地葉似忍冬葉而厚春開小花色青綠
 可愛

△按鈴掛草引蔓其葉似櫻而圓小夏秋葉間著花紫色
 而圓畧似十日紅之花



鈴掛草

俗稱未詳



天仙藤

テレスエンテニ

本綱天仙藤生浙江山中春生苗蔓作藤葉似葛葉圓而
 小有白毛四時不凋根有鬚夏月採取根苗南人多用之
 氣味苦温 同麻黃治傷寒發汗同大黃墮胎得安胎藥


治子癰症又治姪娠水腫始自兩足漸至喘悶似水足
有風氣或衝任有血風不可作水為按
湯藥宜天仙藤散主之詳干婦人良方
 △按天仙藤本草無開花之說然三才圖會所圖者有花



南藤

風藤石南藤
 丁父 丁公藤
 丁公寄
俗云風藤蔓

本細南藤諸大山有之細藤圓臍紫綠色一節一葉葉深
 綠色似杏葉而微短厚其莖貼樹處有小葉瘤疣中有小
 孔四時不凋莖葉皆臭而極辣白花蛇食其葉
 氣味辛溫 治金瘡痛去風邪強腰脚除痺
 △按南藤能治諸風故有風藤之名乎今痿痺癱瘓人用
 為洗藥瘡後手足腫痛者用
風藤煎汁頻洗有効



省藤

赤藤 紅藤
俗云登寧
 此呼藤一字
 音為名

本編省藤生南方深山皮赤大如指堪縛物片片自解也
 或織草履
 氣味苦平 治蛇蟲通五淋煮粥飼狗去癩

料藤

音科

明張燮東西洋考云料藤蔓抽被地無枝葉有皮裹其
 外如竹皮剥之則落長數丈不值翦伐可纏繞數圍
 齋民要術云料藤圍數寸重於竹可以代篾以縛船及
 以為席勝竹也
 △按省藤料藤恐此一物矣凡如東埔寨太泥六甲暹羅

咬嚼吧ハカク番且南方多出藤及藤庭今所來藤皆無外皮黃白色滑堅大如箭竹ハカク繼破之甜白肉以縛卷器物其用最多今用其白肉入淋病藥中

招豆藤

紫藤

和名布知 此用藤一字 訓為名



ソワニエ

本綱紫藤藤皮着樹從心重重有皮四月生紫花可愛長安人亦種飾庭也其子作角角中仁熬香着酒中令酒不敗敗酒中用之亦正其花按碎拭酒醋白腐瘰氣味甘微温 有小毒煎如糖下水瘡病 癩音即 心病也

△按紫藤花象二二天纏樹垂架最艷美攝州野田藤得其名蓋冬月酒糟汁及米泔汁灌根則茂盛

又有白藤 葛葉皆無異唯花白耳 凡抽藤花於水最易萎灌酒於其本蔓則歷時不凋

沙黃 臘黃

藤黃

俗云喜和字



本綱藤黃出岳州鄂州諸山屋樹名海藤花有葉散落石上彼人收之謂之沙黃就樹采者輕妙謂之臘黃此與石無異 畫家及丹竈家時用之

又真臘國有畫黃乃樹脂彼人以刀斫樹枝滴下次年收之不知即石與一物否也今畫家所用藤黃皆經煎煉成者紙之麻人

△按藤黃今畫家漆土以塗黃色又堂塔塗椽梁是也

くまじり

俗稱未詳

谷藤



按谷藤蔓草也葉似小梅葉而圓三月葉間開花似紫藤花

一種有岩藤即此荒花也詳干玉母草類

らくまじり

俗稱未詳

四羅生門



按羅生門蔓草也葉似胡麻葉而短三月葉間開小花

深青俗云紺色

かりろまじり 俗稱未詳

項王草



按項王草葉似贊波丁子葉開單黃花結小莢宿根不生當羊下種即開花自四月至十月有花贊波丁子出於濕草

るこうさう 俗稱未詳

留紅草



按留紅草細莖韌葉細密如杉藻而表裏淺青色莖而出蔓八月枝又抽短莖開花形如丁子樣而紅色長六七分可愛花罷結角中有細子



千里及

本草綱目及生天台山又筠州有生淺山及路旁葉似菊而長背有毛枝幹圓而青春生苗秋有黃花不結實米莖葉入服藥



粘魚鬚

農政全書云粘魚鬚生山野中初先發葉其後延蔓生莖發葉每葉間皆分出一小又及出一絲蔓葉似土茜葉而

大又似金剛刺葉而光澤味甘



牛尾菜

全云牛尾菜生山野間苗高二三尺葉似粘魚鬚葉葉間分生叉枝及出一細絲蔓又似金剛刺葉而小紋脈皆豎莖葉稍間開白花結子黑色其葉採嫩葉燻熟水浸淘淨油鹽調食



狗掉尾草

農政全書云狗掉尾苗生山中苗長二三尺拖蔓而生莖
 方色青其葉似歪頭菜葉稍大而尖鞘色深綠紋脈微多
 稍間開五瓣小白花黃心衆花攢開其形如穗
 葉微酸採嫩葉煤熟去酸味油鹽調食



野木瓜

八月楮并瓜

農政全書云野木瓜生山野中蔓延而生妥附草木上葉
 似黑豆葉微小光澤四五葉攢生一處結瓜如肥皂大味
 甜熟者可摘食

野木瓜

丁のころ

水胡蘆

農政全書云水胡蘆生水邊就地拖蔓而生每節間開四
 葉而葉如指頂大其葉尖上皆作三叉味甘採嫩秋連葉
 煤油鹽調食



らつゝのそ

落花生

番豆 土露子
 滴水生
 長生果



致富全書云落花生藤蔓莖葉似扁豆開花落地一花就

地結一果其形與香蘋相似亦二月內種之喜鬆土用隔
年肥灰壅宜栽背陰處秋盡冬初取之煮食味甚甘美人
所珍貴若未經霜則苦難入口

△按落花生近年來于長崎形似蠶豆而畧斜蓋大寸余
皮灰白色文理堆敷剝皮中有三四子褐色形味共似
胡桃海松子等香美試雖數百粒種難生

癩葡萄

錦荔枝

俗云蔓荔枝



救荒本草云人家園籬邊多種苗引藤蔓延附草木生莖
長七八尺有毛澁葉似野葡萄葉而花又多葉間生細絲
蔓開五瓣花碗子花結實如雞子大尖觜紋皺狀似荔枝
而大生青熟黃內有紅瓢味甘△按紅瓢肉色仁其肉甚
甜仁白色如瓜子不食

和漢三才圖會卷第九十七之八目錄

卷之九十七

水草

藻類
苔類

澤瀉

薺草

羊蹄

酸模

菖蒲

石菖

白苜

燕子花

香蒲

菰

苦草

浮萍

蘋

萍蓬草

睡蓮

烏桕

苔

金銀蓮花

藻類

藻

海髮

海蘊

十六島苔

紫菜

末滑海藻

蓴

わかし

海藻

石花菜

於期菜

龍鬚菜

石蓴

昆布

立金花

金豆花

水葵

莫鳴菜

鷄冠菜

鹿角菜

櫻苔 附 松苔

海帶

鹿尾菜

水松

苔類

陟釐

船底苔

垣衣

烏韭

地柏

馬勃

海索麩

乾苔

地衣

瓦松

百葉草

玉柏

海人草

井中苔

石蕊

屋遊

卷柏

艾納

和漢三才圖會

本草綱目

卷之九十八

石草類

石斛

金星草

景天

壁生草

螺屬草

崖梭

骨碎補

石長生

佛甲草

虎耳草

酢漿草

吉祥草

石韋

虎尾草

以知草

石胡荽

地錦

蟹草

和漢三才圖會卷第九十七

攝陽 城醫法橋寺島良安 尚順編

水草

藻類 併干此



澤瀉

水瀉 鵲瀉 及瀉 芒芋 禹孫 蒨

和名奈萬井

本綱澤瀉春生苗多在淺水中葉似牛舌草獨莖而長秋時開白花作叢似穀精草秋末采根暴乾今處處有之不堪用惟用漢中青州代州者大而長尾間必有兩岐為好根甘平養五臟益氣力入足太陰經逐三焦停水久服明目又云多服昏目蓋能瀉伏水去胛中留垢故明目而

多利小便去水故腎氣虛乃昏自然地黃丸用茯苓澤瀉者乃取其瀉膀胱之邪氣非為引接也古人用補藥必兼瀉邪邪去則補藥得力一闢一闔此乃玄妙后世不知此理

△按澤瀉出於丹波者堅實肉白為上越後之產輕虛而為次然越後者形狀似乎唐澤瀉丹波者稍異

薺草

薺菜 薺榮

本綱薺草生水旁葉似澤瀉而小花青白色亦堪蒸啖味甘江南人用蒸魚食甚美



羊蹄
又云...
ヤニテイ

蓄同牛舌菜
敗毒菜 秃菜
羊蹄大黃
東方宿鬼日
連蟲陸

水黃芹子名金蕎麥

和名之布草一名之俗云岐志

本綱羊蹄菜近水濕地生之葉長尺餘似牛舌之形入夏起莖開花結子花葉一色夏至即枯秋深即生凌冬不枯根長近尺赤黃色如大黃胡蘿蔔形莖赤亦可瀹為茹滑美詩小雅言采其莖也治禿瘡名禿菜其葉可潔擦礪石根苦寒屬水走血分新采者磨醋塗癬速效又能治頭上白禿白屑面上紫塊癰瘍癩風

△按羊蹄似蕪菁葉狹長夏起莖小莖三尖莖著枝葉叔抄如穗開黃花微小難見變褐色中有子根似胡蘿蔔莖黃色此與酸模共赤者不合大黃能治小瘡之瘡藥是也



酸模

ソワンモウ

山羊蹄 蓍
山大黃 菴蕪
酸母 當藥
俗是亦名和大黃
關東曰須加牟保

本綱酸模生山岡上平地亦有根葉花形並同羊蹄但葉小味酸為異人亦米食其莢其根赤黃色微苦能治疥癬
 △按酸模葉似菠薐而莖赤味酸細赤花作穗根如上說



菖蒲

昌陽 堯韭
 水劍草

和名阿夜女又佐
 今唯呼字
 音


本綱菖蒲冬至後五十七日菖始生菖者百草之先生者春生青葉四時常青新舊相代葉中心有脊狀如劍二三

月間抽莖開細黃花成穗其根一寸九節者良
 △按菖蒲者總名而本草有五種今分為三種菖蒲石菖白菖是也入藥宜用石菖根醫書雖曰菖蒲根不可惑菖蒲乃石菖之大者長二三尺濶五六分有劍脊五月五日菖屋擔者也或伴日浴菖蒲湯或以石菖根漬酒

飲之則禳邪氣

一種有花菖蒲開紫花似白菖花而瘦小

錢蒲



石菖蒲

錢蒲

本綱石菖蒲生於水石之間葉有劍脊瘦根密節高尺餘一種人家以瓦石器栽之一年至春剪洗愈剪愈細高四五寸葉如韭根如匙柄粗入藥須用此二種根一寸九節者

一種 錢蒲其根長二三分葉長寸許
 石菖根 辛温 通九竅明耳目出音聲益心智延年手足少陰心氣不足者用之虛則補其母也肝苦急以辛補之是

月為盛又有四時開花者參列八橋之產得名

倭名抄用劇草或用杜若訓加岐豆波太並訛也劇草馬蘭也濕草杜若藪生薑也芳草



香蒲


甘蒲 醜石
和名加末
蒲黃 蒲槌
蒲葶花
加末乃波奈

本綱香蒲春初叢生水際似莞而徧有脊而柔其嫩葉出水時紅白色者取其中心啖之至夏抽梗於叢葉中花抱梗端如武士棒杵故俗謂之蒲槌其花中蕊屑謂之蒲黃細若金粉當欲開時便取之市廛以蜜搜作果食貨賣八月九月收葉以為席亦可作軟滑而温蒲黃甘平手足厥陰血分藥也故能治血與五靈脂同用

能治一切心腹諸痛破血者須妙用

又舌脹滿口或重舌生瘡者傳之即瘥

△按香蒲花狀頗似鉞故謂蒲鉞作松明甚良採蒲黃入藥出於尾州者佳攝州賀州者次之今多刮取海鰓魚肉煉粘於竹管作蒲鉞形炙則為魚黃色彷彿故亦名之蒲鉞



菰

菰音
又云波奈加豆美

本綱菰生江湖陂澤水中葉如蒲葶葶以飼馬作薦春末生白茅如筍謂之菰菜又名莼生熟皆可啖甜美其中心如小兒臂者謂之菰手又名莼作菰首者非也其小者臂之內有黑灰如墨者謂之烏鬱人亦食之其根亦如蘆根而

相結而生久則并生浮於水上謂之菰蔞刈去其葉便可耕蒔又名葑田八月抽莖開花如葦結青子長寸許霜後采之皮黑褐色其中子甚白滑膩是乃彫胡米也歲飢人以當糧為餅甘冷香脆穀類下菰之種類皆極冷不可過食之


△按菰葉織薦即稱古毛今多用稻葉織單薦亦名古毛本出於菰薦也又用葉裹粽

烏鬱用為婦人代黑甚良無之時用莖根燒灰亦佳又和油塗軟癬痕禿者能生毛髮

苦草

本綱苦草生湖澤中長二三尺狀如茅蒲之類婦人白帶煎湯服之佳

蘋



浮萍

和名宇岐久佐

本綱浮萍池澤水中甚多季春始生或云楊花所化一葉經宿即生數葉葉下有微鬚即其根也有背面皆緣者又有面青背赤若血者謂之紫萍入藥為良七月採之浮萍辛寒或日酸性輕浮入肺經達皮膚能發邪汗治時行熱病甚有效又利小便治水腫鵬之末又能止吐衄

蘋

芥菜 四葉菜 田字草

本綱蘋葉浮水向根連水底其莖細於蘘薹其葉大如指頂面青背紫有細紋頗似馬蹄決明之葉四葉合成中折

十字夏秋開小白花其葉攢簇如萍
 蘋滑寒 下水氣利小便又擣之塗熱瘡良
 一種有陸生者多在稻田沮洳之處其葉四片合二與蘋
 一樣但莖生地上高三四寸不可食是青蘋也



かはやひ

水栗子

萍蓬草

骨蓬 倭名抄
 和名加波保稱
 俗用川骨二字

ヒンホンツアウ

本綱萍蓬草生南方池澤三月出水莖大如指葉似荇葉
 大徑四五寸初生如荇葉六七月開黃花未開時狀如筭
 袋結實狀如角黍長二寸許內有細子一包如粟澤農
 采之洗擦去皮蒸曝春取米作粥飯食之
 根甘寒 如藕饑年人亦食之作藕香味如栗者食補虛
 益氣力厚腸胃

△按萍蓬草乃源順載崔禹錫食經曰骨蓬根如鹿骨味
 冷花黃色莖頭著葉者也紀泉攝河播州之池沼甚多
 夏月採根切片曝於暑熱石上如值陰雨則色變黑不
 堪用畧似腐骨故俗呼曰川骨葉似欬冬葉而畧軟
 倭方多用入金瘡折傷產前後藥中以為破血止血之
 要藥然本草不言其功者何耶近頃出白花或紅花者
 人以為珍用茶會之花耳

アハハ

俗云龜蓮

睡蓮

又云羊草



本綱睡蓮即萍蓬之類也葉如荇而大其花布葉數重當
 夏晝開花夜縮入水晝復出
 △按睡蓮池中有之花大寸餘如白蓮狀晝未時一時開



荇

杏音

荇音水鏡草
水葵 鳧葵
屬子菜按余
金蓮子
和名阿佐个

本綱荇處處池澤有之莖白而葉徑寸許似蓴而微尖長
在莖端浮水上長短隨水深淺根甚長在水底如釵股上
青下白夏月開黃花亦有白花者結實大如棠梨中有細
子此與蓴一類二種也

葉甘冷治消渴去熱利小便傳諸腫毒
毒蛇螫傷入
肉中痛甚者以物包之知秘以荇葉覆其上穿

△按荇其花如小蓮華而浮于水上甚美也近于人家池
未見之

金蓮花 銀蓮花

畫譜云金銀蓮花有二種湖中甚多園林盆蓄水種之
但取二色重臺者可愛蓋此荇之一類也



蓴

同 純

茆 卯柳水葵
馬蹄草露葵
和名沼奈波
今云蓴菜

本綱蓴生南方湖澤中葉如荇菜而差圓形似馬蹄其莖
紫色大如筋柔滑可羹水深則莖肥而葉少水淺則莖瘦
而葉多其性逐水而滑故名蓴菜夏月開黃花結實青紫
色大如棠梨中有細子春夏嫩莖未葉者名稚蓴葉稍舒
長者名絲蓴其莖如絲也至秋老則名葵蓴或作共味甘
冷和鯽作羹可食多食發痔和醋

治癰疽以蓴菜莖或葉子搗爛傳之

未成即消治已成即毒散

△按蓴性滑而長如絲繩稱奴奈波則滑繩之畧也惡泥喜沙故不生淤泥中其葉不出於水上凡蓴菜不可盛漆器如犯之則漆色損也山城淀伏見川上多有之以淡醬油煮啜脆滑甘美

金立花



立金花

立金花

又有金立花

俗稱未詳

△按立金花生池澤中葉似虎耳草葉而無白茸深青色背色淺微帶紫理四五月抽黃頂開六瓣黃花結實有細子又其莖葉花皆同而橫較者名金立花

水葵

みばり

那岐



△按水葵生池澤中莖端一葉如萍蓬草樣而小又抽莖生小葉似山丹及那岐木葉故名那岐開花似桔梗花而深紫色數朵甚美又有白花者結子中有細子

藻類



藻

早音

馬藻

水蘊

菹鮮

和名毛一云毛波

ツアウ

本綱藻水草之有文者水中甚多有數種

馬藻 葉長二三寸兩兩對生入藥用之

水蘊 一名鯁韃蘊 葉細如絲及魚鯁狀節節連生

菹 水藻也農政全書云生陂塘及水泊中莖如鹿線

長三四尺葉形似柳葉而狹長故名柳葉菹

氣味甘滑凡天下極冷無過藻菜但有患熱毒腫丹毒者

搗傳之厚三分乾即易其效無比

本草綱目卷九十七 水藻

うみのと

蕪單 落首

海藻

海蘿 大葉藻

ハイツアウ

本草必讀 所圖 大葉藻



本綱海藻乃生海島之藻也黑色如亂髮而大少許葉大都似藻葉也有二種生淺水中如短馬尾細黑色者馬尾

藻也生深海中葉如水藻而大者大葉藻也海人以繩繫腰汲水取之

海藻 寒苦鹹 氣味厚純陰而沉也 炒甘 治癩瘤馬刀諸瘡

堅而不潰者利小便下水腫治五膈痰壅

東垣散腫潰腫湯海藻甘草兩用之蓋以擊積之病非平和之藥所能取捷必令及奪以成其功也

△按生海島水上者曰藻生海中石上者曰苔今藻苔共

通曰苔而海苔類以充食品者凡三四十種隨形色及

所出地立名不能悉記畧見于左

かひりそ 莫鳴菜 本朝書 奈々里曾

莫鳴菜 神馬藻 漢語抄 奈乃里曾

俗云穗俵 保太和良



倭名抄云本文未詳但神馬莫騎之義也

造法夏月能洗晒乾復又注水晒乾也十日許成白色水
 煮冷定則凝凍如葛糊而不粘用薑酸沙糖等食之能
 避暑也冬月嚴寒夜煮之露宿則凝凍其輕虛俗謂之
 寒夫或用蘘方木煎汁滌之赤色最鮮可愛謂之色寒
 天城州伏見里製之僧家為調菜必用也又用其濃汁
 塗于紙晒乾則如礬膠紙而久不損傷以飾團扇

雞冠菜 漢語
 とまろけり

鳥坂苔 本朝

雞冠菜

正赤者名錦苔

和名止里佐加乃里

△按雞冠菜處處海濱石上生之狀畧似雞冠而有細齒
 有深刻深紅色味淡甘不美古者參河伊勢志摩紀伊
 石見貢獻之如今肥州天草多出之伊豆次之志摩亦
 少出之用薑醋食之又色相似而圓者名楊梅苔



水雲 倭名抄

和名毛豆久


俗用海雲三字

海蘊

ハイフラン

本綱緼亂絲也其葉似之故名海蘊 鹹寒 治瘰癧結氣在
 喉間能下水

△按海蘊狀如亂絲青黑色柔滑長數尺生石上浮水上
 將採之而滑利難得仍用鮑空貝刮取之阿州鳴戶泉
 州岸和田及對州之產肥大如索楚而有叔安房上總
 下總備前亦多有之皆和薑醋食之微有海鼠腸氣而
 能醒酒醉或未醬汁煮之粘滑似薯蕷汁而佳值溫氣
 則易敗也藏之用海蘊 去水鹽 三合 密封則耐久用時
 暫漬水出鹽食



和名於古乃里

於期菜

恐此龍鬚菜也見後



△按於期菜生海中石上如亂絲而青色長一二尺采之過時變蒼黑色用銅鍋煮之色青如活東海諸州多有之備前及淡列亦多晒乾為白藻

ふりり

鹿角菜

猴葵 本綱 海蘿 食經 和名不乃利 俗用布苜二字 鹿角菜 和名豆乃未太



本綱鹿角菜生東南海中石厓間長三四寸大如鐵線分了如鹿角狀紫黃色土人采曝貨為海錯以水洗醋拌則

脹起如新味極滑美若久浸則化如膠狀女人以梳髮粘而不亂

氣味滑微毒 療小兒骨蒸熱勞 疾損腰腎經絡血氣 按倭名抄載食經云海蘿大冷鹹其性滑滑然主九竅則海蘿與鹿角菜一物也倭名抄以為二物者非也

凡海蘿生者和醋未醬食之稱生海蘿乃利古不處處多出之似石花菜而黃紫色肥州五島之產為最上朝鮮次之志摩伊豆對馬阿波肥州平戶紀州熊野之產為中真州松前仙臺南部及防州土州之產為下品但真州之產甚多也曝乾用時煮之為糊紙工家用治紙或和石灰為聖塗城樓壁

產前催生及胞衣不下者用布苜煮汁服之又傳痔脫肛即平安皆取性滑利也婦人用洗髮則舊油不脫而垢能去又織綿布者塗之則篋易行 造法洗水去砂擴干莖上以稗帚洒水晒乾則成裁為方

和名豆乃未太

形取之其功用最多大致民之利
燒海羅法用乾海羅清水去塵握丸暴紙煨之搗爛和
枳漆為糊最佳



十六島苔

宇豆布留伊
附 雪苔

△按此苔出於雲州十六島故名附生于海中石上長二
三尺幅二寸許而細如髮紫黑色味鹹極美也國守
使海人取之入海底採為腰帶而上其所得賜三分一
於海人最為苔中之珍品

雪苔

△按雪苔雲州加加浦有之畧似十六島苔而短紫色冬

降石面乍變為苔刮取之至夏則難貯丹後亦有之



龍鬚菜

俗云白藻

本綱龍鬚菜生東南海邊石上叢生無枝葉狀如柳根鬚
長者尺餘白色以醋浸食甘寒和肉蒸食亦佳
△按龍鬚菜多出於備前長一
乾則白色形色彷彿紡苧絲
二尺有極初淡紫色能晒



櫻苔

俗稱

△按櫻苔、紀列海濱出之色黃白或淡紫而似櫻花凋落乾狀故名又有松苔黃白色大於櫻苔形微似松花



紫菜

俗用甘苔字

紫莢 音軟

神仙菜

和名阿末乃里

本綱紫菜生南海中附石正青色取而乾之則紫色大葉而薄按成餅狀晒乾貨之其色正紫

氣味甘鹹 病癭瘤積塊脚氣者宜食之

倭名抄載食經云紫菜狀如紫帛凝生石上是物有三四種以紫色為勝俗呼曰神仙菜

△按甘苔者總名而隨所出之地異名色味亦稍異也總州之葛西苔武陽之淺草苔並紫蒼色而味甘美也紀州之妹背苔次之武陽之品川苔不紫色味亦迥劣伊

豆相糲之海濱亦多出之只稱甘苔紫赤色而不細密味亦不佳

富士苔 富士山之麓精進川村出之形狀似紫菜青綠色味極美

水善寺苔 出於肥後色似富士苔而方形者之不亂味甘美近頃不多出但一如菜葉相粘作方形耳



石蓴

海藻 倭名抄 和名迹木米 俗用和布字 今云和加米 對麩布曰之弱布

本綱石蓴生南海附石而生似紫菜色青 △按石蓴今云和布也蓋似紫菜而色青者富士苔水善寺苔之類耳然以昆布謂似紫菜青苔亦共未精 和布乃昆布海帶之屬非苔之屬處處海中皆有之附

本草綱目卷之九十四 藻類之九十四 石蓴

生于石畧似昆布而薄狹短味亦相似而色青伊勢志摩出粟多出之炙食又刻齏醬油或入臠汁亦佳

加田布 紀州加田浦出之績績乾之為方形炙食之乃和布之屬也其鹹而宜僧家調菜



海帶

ハイタイ

わらめ

滑海藻 和名

和名阿良女

俗用荒布二字

本綱海帶出東海水中石上似海藻而粗柔韌而長今登州人乾之以束器物本草必讀云海帶係散有氣味鹹寒催生治婦人病及水病癭瘤醫家用以下水勝於海藻昆布

△椽海帶狀似昆布而狹黑色長者四五尺有縱皺文柔

韌有林堅實也乾為小刀斫其葉宜煮食此物難熟能淪之即出黑汁漫於水細刻再和醬油煮之清油少許傳於鍋底則易熟也西南海處處多出如饑年用充飯凡海帶屑如遇雨滴久所漫則變成蛭株即成馬蛭蓋此非情化有情者矣以海帶漂汁灌竹木根則枯

末滑海藻

和名加知女 俗云相良布

倭名抄載本朝今云似海藻而細狹有皺文粗硬味劣故食之者希矣 椽透列相良浦多出故稱相良布可炙食



昆布

クシブ

和名昆布

綸布 音關

綸青絲綬

也誤為昆


和名比呂米 一名衣比須女

本綱昆布生東海順流而生出高麗新羅者葉細黃黑色



水松 石帆 水松 二物同類也 俗云海松

本綱水松狀如松石帆狀如栢生海嶼石上草類也無葉高尺許其花離樓相貫連若死則浮水中入於海邊得之稀有見其生者紫色而梗大者如筋見風漸硬色如漆至稍上漸軟作文羅紋人以飾作珊瑚裝



海索麪 俗稱

按近世西海四國及因幡丹後多有之細長狀似索麪

而青細色故名海索麪乾送于四方用時盛漆器少時漫水覆亦用漆器則縮不取用熬酒或醋食之味淡甘脆若盛磁器則潰爛而失味東海亦間有之

苔類


本綱凡苔衣之類有五在水曰陟蚤在石曰石濡在瓦曰屋遊在牆曰垣衣在地曰地衣其蒙翠而長數寸者亦有五在石曰鳥韭在屋曰瓦松在牆曰土馬駿在山曰卷柏在水曰藻也



陟蚤 水綿 側梨 水苔 石髮 石衣 水衣 藻 俗云阿乎左

本綱陟釐生池澤水中有水石上生者蒙茸如髮有水
汚無石而自生者纏牽如絲綿之狀俗名水綿其性味皆
同乾之治為苔脯堪啗
氣味甘大 温中消穀強胃氣止洩痢

水苔作紙青綠色名苔紙晉武帝賜張華側理紙是也



乾苔

俗云青苔
阿乎乃里
倭名抄以陟釐
為青苔之訓者
非也

本綱乾苔乃石髮生海中者故味鹹為異其長尺餘大小
如韭菜乾之為脯又以肉襍蒸食極美
氣味鹹温 治癭瘤及痔消茶積納木孔中殺蟲
多食發瘡疥有咳嗽人不可食
△按陟釐青苔形色一類而所出澤與海氣味亦淡與鹹

迥異也售者混之但陟釐葉細密香鮮味不鹹可辨之
多出干南海而伊勢之產為勝每正月內膳浦取之者
殊良炙食之香味甚美
黃蜀葵汁 佛手菴 糊為 青苔 焙為 和末醬温汁 啜之粘
滑似黃蜀葵之滑故假名之

井中苔

井乃古介

本綱廢井中多生苔萍及磚土間多生雜草既解毒療漆
瘡湯火傷瘡在井中者尤佳
△按井苔深青色如陟釐而短亦似板屋苔

船底苔

不奈古介

本綱船底苔乃水之精氣漬船板木中累見風日久則變
為青色蓋因太陽晒之中感陰陽之氣故服之能分陰陽
去邪熱又治五淋 煮飲之

和模三才圖會

本草綱目

卷之二十一

〇九

本綱地衣乃陰濕地被日晒起苔蘚如草狀者也

氣味微苦冷微毒取停木濕處乾卷皮為末傳於陰上粟瘡治之神效

地衣 仰天皮 搗夫皮

本綱石蕊生大山石上乃煙霧熏染日久結成早春翠端開四葉蓋苔衣類也春初刮取曝乾謂之雲茶其狀白色

石蕊 石濡 石芥 雲茶 蒙頂茶



輕薄如花蕊其氣香如薷其味甘澁如茗不可煎飲止宜咀嚼及浸湯啜清涼有味明目益精氣




垣衣 鼠韭 背邪 垣羸 天韭 和名之乃布從 土馬駿 乃木乃之能布

本綱垣衣即磚墻城垣上青苔衣也 氣味酸冷 搗汁服止 衄血 燒灰油和傳湯火傷 一種土馬駿 即垣衣之長者故名馬駿共所在背陰古 墻垣上有之歲多雨則茂盛但以長短異名

△按垣衣乃非草類只垣墻苔以字義可解也土馬駿乃俗云乃木生古屋上及樹樞其葉二三寸濶二三分似風蘭葉而色淡脊有筋不窄面有細點脊色稍淺冬月

亦不凋無花實
只有謂志乃木草者即瓦松之類見于後



瓦松

昨葉何草
向天草瓦花
赤者名鐵脚
婆羅門草
天王鐵塔草

本綱瓦松生年久瓦屋上如蓬初生高尺餘遠望如松栽
又云瓦松生屋瓦上及深山石縫中莖如際圓銳葉背有
白毛

屋遊

瓦衣 瓦苔 瓦蘚 傳邪
本綱屋遊乃生古瓦屋上陰處苔衣也其長數寸者即瓦
衣也

△按屋遊即如註也瓦松被草即土馬駿之類北向屋瓦
及山中石土之際陰處生之莖葉似蕨苗而小一莖三
極面背共淺綠色春生苗冬枯七八月葉背稍有黃花
甚細小難見根有微白毛如鼠脚脰
凡屋瓦上所生之草亦不一二蓋烏雀啄糞實來遺糞再
生者故各有本物之形狀唯土馬駿瓦松之輩自苔變
成形者也

烏韭

石髮 石衣 石苔 石花 石馬駿 鬼麗
本綱烏韭生大石及水間陰處青翠草茸者似苔而非苔
此即石衣也長者可四五寸蓋瓦松之生干石上者也

百藥艸

本綱百藥艸形如瓦松莖葉俱青有如松葉無花三月生
苗四月長及五六寸許根黃白色是瓦松之生干地者也



卷柏

萬歲 豹足
長生不死草
未股 交時
和名伊波久美
一云伊波久介
今云岩檜葉

本綱卷柏多生石上宿根紫色多鬚春生苗似柏葉而細
拳如雞足高三五寸無花子以耐久也
氣味 辛平 治下血及脫肛通月經治百邪鬼魅
△按卷柏生澗谷石間人家陰處亦移栽之四時青翠色
似檜柏葉其大者高尺餘

地柏

卷柏之生干地上者也

本綱地柏生蜀之山谷根黃狀如絲莖細上有黃點子無
花葉三月生長四五寸許
治臟毒下血與黃芪等分爲末米飲每服二錢以爲神此方



玉柏

玉遂千年柏
萬年松
俗云萬年草

本綱玉柏生石上如松高五六寸紫花人皆置盆中養數
年不死呼爲千年柏萬年松即石松之小者也
氣味 酸溫 輕身益氣止渴

石松 天台山及名山石上皆有之似松高一二尺此即
玉柏之長者也

五雜俎云楚中有萬年松長二寸許葉似側柏藏篋筒中
或夾冊子內經歲不枯取置沙土中以水澆之俄頃復活
或云是老苔變成者然苔無莖根彼莖亦如松柏有根鬚
△按衡嶽志所謂萬年松之說亦粗與右同紀州吉野高
野深谷石上多有之長二寸許無枝而梢有葉似松苗

好事者採之藏鏡奩云靈草也欲知行人消息者投之於盆水上之葉開即人存焉凋即人亡也此言可大笑不知性澆水能活也



松衣

艾納

カイナツ

末豆乃古介
桑薺 桑花
桑錢
久和乃木乃古介

本綱艾納乃生老松樹上綠苔衣也和合諸香燒之烟清而聚不散別有艾納香與此不同也桑薺生桑樹上白薺也如地錢花樣刀刮取炒用苦暖治腸風下血吐血



馬勃

ばくろく

俗云保中倍以之

馬疔 馬竅氣
灰菰 牛屎菰

本綱馬勃生園中濕地及腐木上夏秋采之紫色虛軟狀如狗肝大者有如斗者彈之粉出韓退之所謂牛溲馬勃俱收並畜者是也氣味辛平輕虛上焦肺經藥也故能清肺熱治咳嗽喉痺衄血失音諸病傳諸瘡甚良
△按馬勃園中竹林荒野有之大如鳥卵團有薄皮灰白色肉白頗似麥藁者食味淡甘既老則甚大形如死首而醜其皮易裂中煤黑色虛軟如綿而粉出傳金瘡止血有神効

まくり

俗云未久利

海人草



△按海人草生琉球海邊藻花也多出於薩州販干四方
 黃色微帶黯長一二寸有岐無根髭而有微毛茸輕虛
 味甘微鹹能瀉胎毒去一夜浸水小兒初生三日中先用
 海人草甘草二味或加包鼻浸湯含吃之呼曰甜物此
 方不知始於何時本朝通俗必用之藥也吞之兒吐涎
 沫謂之吐穢汁可以去膈上胎毒既及吃乳則不吐用
 加味五香湯可下

和漢三才圖會卷第九十八

攝陽 城醫法橋寺島良安 尚順 編

石草類



石斛

シツホツ

石遂 金釵

禁生 林蘭

杜蘭

和名須久奈皆 乃久須祿

又云伊波久須里

本綱石斛叢生山谷石上五月生苗莖似小竹節節間出
 碎葉其莖葉生皆青色乾則黃色細若小草長三四寸柔
 韌折之如肉實七月開紅花十月結實其根細長黃色斜
 結甚繁乾則白軟節上自生根鬚人亦折下以砂石栽之
 或以物盛掛屋下頻澆以水經年不死俗稱為千年潤又

竹

其莖狀如金釵之股故名之以桑灰洗之色如金
石斛鹹淡微 陰中之陽降足少陰 脾強陰益精治胃中
虛熱壯筋骨
一種有木斛生櫟木上中虛如木長尺餘色深黃光澤
以混石斛宜辨之
△按石斛出於豐前中津者良伊豫之產次之



骨碎補

クワスイブ

石毛薑
胡椒薑
石菴蘭
猴薑

本綱生木或石上多在背陰處引根成條上有黃赤毛及
短葉附之又抽大葉成枝葉面青綠色有青黃點背青白
色有赤紫點其葉有極缺頗似貫衆葉其根扁長畧似薑
形故有薑之名

根苦温

足少陰藥故能入骨治牙及久泄痢久泄亦屬
腎虛不可專從脾胃又治耳鳴耳亦腎之竅也最破血
止血治傷折補骨碎故名之
△按骨碎補出於紀州熊野者良



石韋

シライ

石韋 石皮
石蘭
和名以波乃加波
一名以波久美
俗云比豆豆波

本綱石韋叢生山谷石旁陰處其葉長者近尺濶寸餘柔
韌如皮背有黃毛凌冬不凋
葉苦平 治小便淋痛及便前有血者宜去黃毛射肺
一種金星草 即石韋之背有黃星者也見于後
△按石韋丹波伊豫處處有之其葉厚柔韌深綠色面有
微黃粉如毛背淺白而如有白毛也不黃毛

金劍草

鳳尾草

金星草 七星草



キンヌイ ツアウ

本綱金星草即石草之有金星者喜生背陰石上淨處及竹箐中少日色處或生大木下及古瓦屋上初出深綠色葉長一二尺堅硬至深冬背生黃星點子兩兩相對色如金無花實凌冬不凋其根盤屈如竹根而折之有筋如豬馬鬃也

根葉若微酸寒治癰瘡及服石藥發毒者然性至冷下利服后須補治老羊不可輒服但塗瘡腫殊效根浸油塗頭大生毛髮烏髭髮又能通五淋

△按金星草亦名一葉即石草之類而葉比石草堅硬而狹背黃色頗如草有星形似鯁文而黃色甚異品

石長生

丹草 丹沙草

俗云豆閉良艸 又云閉祿連牽艸



ヒツチヤシスエシ

本綱石長生生石巖下葉似蕨而細如龍須色似檜而澤勁莖紫色高尺餘不與餘草雜四時不凋

莖葉鹹微寒治寒熱逐諸風治疥癬辟邪魅

△按石長生生溪澗井石間狀似蕨而面背青夏莖蒼蒼去茶褐色如虎尾草子莖紫黑為折傷及痰咳隔噎藥

虎尾草

濕草有同名

俗稱 正字未考 止良乃於



△按虎尾草生石縫間及竹藪中葉似大葉蕨葉而甚厚硬微反無枝極其背有茶褐色粉點無花實彼粉點若是為子乎其散布處迥隔二三尺亦自然出生一莖僅寸許頂有一葉似蕎麥葉而微成三稜尋為二葉此時無識虎尾草之苗者終莖葉全備亦一異也人家亦栽之



景天

キニテン

慎火 戒火
救火 椽火
辟火 護火
火母

和名以岐久佐
俗云辨慶草

本綱景天極易種折枝置土中澆溉旬日便生也二月生苗脆莖微帶赤黃色高一二尺折之有汁葉淡綠色光澤柔厚狀似長匙頭及胡豆葉而不尖夏開小白花結實如連翹而小中有黑子如粟粒人皆盆盛養于屋上云可辟

災故有慎火救火之名

△按景天似佛甲草而大者也折取之倒懸于檐間經日不凋復栽于地亦能活也勝於馬齒莧蓋辨慶者源義經之家臣而女童相傳以為強勢之士故相比名之矣和名以岐草亦治之字訓乎



佛甲草

ホツキヤツツアウ

佛指草
俗云山名道華

山草部有佛指甲草亦此類乎

本綱佛甲草多附石向陽而生二月生苗成叢高四五寸脆莖細葉柔澤如馬齒莧尖長而小夏開黃花經霜則枯人多栽于石山瓦牆上有花不結實甚大者乃景天草也氣味微寒治湯火灼瘡研貼之
△按佛甲草淡綠色而初生形色彷彿佛座蓮華故曰磐

蓮華層層生葉而未窄樞開小白花狀如浮屠之塔
爪蓮華其葉細長似獸爪又如胡葱秧者比比生也狀
與磐蓮花同當年生者無花翌八月著花性最惡濕



以知草

正字未詳
景天草和名
謂以吸久作
此亦景天之
屬也故誤曰
以知草乎

△按以知草似景天草而極小者又似爪蓮葉莖高三四
寸莖枝弱如蔓繁茂五月開小黃花人家庭園栽易茂



壁生草

萬年草
玉相亦稱萬
年草但草字
音與訓別爾

△按壁生草昂以知草之類而葉畧闊色微濃性喜水而
惡深濕極易生或細切莖插地則活雖石壁上初以濕
土栽之則久不死五月開五瓣尖小黃花似以知草花



虎耳草

俗云雪下草

本綱虎耳草生陰濕處人亦栽于石山上莖高五六寸有
細毛一莖一葉如荷蓋狀葉大如錢狀初生似小葵葉及
虎之耳形夏開小花淡紅色
葉微苦辛寒治瘟疫搗酒服
熟用止吐利人治痔瘡腫痛
陰乾燒烟桶中熏之治聾耳搗汁滴之
△按虎耳草葉布地生其花白帶淡紅微似秋海棠之態

結子株其葉黑燒和油傳小兒頭瘡為良



石胡荽

天胡荽
野園荽
鷄腸草
鷄不食州

シツクスイ 藤纏草亦名雞腸同名異物

本綱石胡荽生石縫及陰濕處小草也高二三寸冬月生苗細莖小葉形狀宛如嫩胡荽其氣辛薰不堪食鷄亦不食之夏開細黃花結細子極易繁衍僻地則鋪滿也
石胡荽葉 辛寒 通鼻氣利九竅能通于天頭與肺皆天也故能上達頭腦而塞鼻瘕肉自落赤眼餘醫亦塞之鼻內自去凡目中諸病皆可用之生按更神又能散瘡腫止痔痛

螺厝草



本綱螺厝草蔓生石上葉狀似螺厝微帶赤色而光如鏡背有少毛小草也

氣味溫辛 治癰腫風疹痔爛傳之 亦煮湯洗腫處 治小便出血吐血 衄血齒痛又治小兒頭瘡和油傳之

酢漿草

三葉酸 三角酸
雀林草 酸母
雀兒酸 酸箕
赤孫施 鳩酸
ソトツニツウ 小酸房 醋母



小兒頭瘡和油傳之
治小兒頭瘡和油傳之

本綱酸漿草叢生陰濕苗高一二寸布地極易繁衍一
 三葉一葉兩片至晚自合帖整整如一四月開小黃花結
 小角長一二分內有細子冬亦不凋其初生嫩時小兒喜
 食之南人用指礮石器令白如銀燈籠草亦名酸漿
 葉酸寒殺諸小蟲惡瘡癰疥搗傳之通諸淋服之洗痔
 脫肛甚效塗湯火傷及蛇螫良

△按酢漿草和訓加太波美俗處處多有之繁衍如蔓葉
 色紫或綠小兒採之云須伊毛乃久佐和鹽裹干簞吸汁又採其葉琢真
 鑰匙色黯者則如新然淡白失本色但用綿實殼灰琢之則本色不變鮮明

地錦

醬瓣草地狀
 草血竭 承夜
 血風草地噤
 血見愁夜光
 雀兒臥單

馬燈草 糊椽頭草 俗云赤草



本綱地錦田野寺院及階砌間有之小草也就地而生莖
 赤葉青紫色夏中茂盛六月開黃花或云紅花也結細實
 色黑狀如蒺藜之象斷莖有汁此草馬燈雀兒喜聚之故
 有其名

葉辛苦 通流血脉亦治氣能散血止血利小便使故血淋
 血痢臟毒及婦人血崩皆服之有效金瘡出血不止者
 塗之良

△按地錦原野叢地生莖赤勁有白汁葉似馬齒莧而薄
 連花六月開小赤花結小角兒中有細子鱗鱗與此不同



崖櫻

俗云加牟曾久
 崖櫻之字音
 之誰乎

本綱崖櫻施州石崖上有之苗高一尺以來狀如櫻四季

和漢三才圖會 卷九十八 石草 崖櫻

有葉無花土人采根去粗皮入藥

以下註皆見本草綱目獲復之說

氣味甘辛

治婦人血氣并五勞七傷以根用同半天回

雞翁藤野蘭根四味焙為末每温酒下丈夫無所忌婦人忌雞魚湿麩

半天回

生施州春生苗高二尺以來赤斑色至冬苗枯

雞翁藤 生施州蔓延大木上有葉無花

野蘭根 生施州叢生高二尺以來四時有葉無花

△按件四草共生施州不謂有於他國希列在胡廣府最

百四十崖稷 生深谷石間其根株大有赤黑毛似櫻柳三石

長亦如稷其葉似番蕉葉而片片微團如獼破管四時

不凋無花實移栽人家不活其枯葉經年不落之花者

用擗水則潤亦奇也總形狀近于番蕉遠于櫻櫚也蕪

頌之時代中國番蕉不有故唯謂如稷乎蓋彼圖大異

也而不應于本文焉後人可考故今改圖



吉祥草

三石

草本花詩譜云吉祥草易生不拘水土中石上俱可種惟

得水為佳用以伴孤石靈芝清甚花紫蓓生然不易發如

家居種之有花似云吉祥

△按紀列熊野山谷有草俗名谷渡其葉長二三尺似石

草而薄硬色亦淡一根數葉未見其花有無如是吉祥

草之類乎

絡石

出子蔓草部

蔓草



蟹草

かしろく 俗稱

△按蟹草山谷石縫間有之人家盥盥際栽之高_{一尺許}莖細硬葉細長_{區如韭葉}掇而有_{又表裏蒼}四時不凋無花實



吉野草

